



橫山志略卷四

寓山

顧嘉譽 編輯

諸同學 叅訂

塚墓

吳侍中朱桓墓吳地記云在橫山

晉東曹掾張翰墓在橫山南有張墓村

晉將軍袁崧墓吳地記云在橫山盧志云在橫山東

崧築滬瀆壘禦孫靈芳為賊所害麾下士李祥收

骸骨歸葬

按將軍姓袁名崧墓在松江府青浦縣東門外十里地名崧宅豐碑尚存明莫

如忠題曰晉將軍袁崧之墓蓋青浦亦有橫山故相傳之誤耳

晉兵部侍郎石崇墓在吳山上

詩明高啟題石崇墓虬鬚欲怒珊瑚拆步障圍春錦雲熱珍珠換妾勝驚鴻笑踏香塵如

踏空酒闌金谷鶯花醉家逐樓前舞裙墜財多買得東市愁羅綺散盡餘荒正猶憐白首同歸者坐伴游魂

晉黃門侍郎潘岳墓在石崇墓西北

梁門下侍郎陸雲公墓在橫山南俗稱陸墓山舊圖

陸雲墳又為陸機墳皆訛也按機雲墳皆在青浦之橫山

陳黃門侍郎顧野王墓在吳山東南麓石湖之濱吳

地記云在橫山別隅平地不起墳紹興間碑石猶

存今惟大石壓塚

詩明高啟題顧野王墓南朝舊碑倒墓近樵蕪道應與讀書堆離離總秋草周南

老迢迢越溪水映帶楞伽山清淑氣所窮鬱鬱佳城環希馮識龍穴卜兆於其間平地不起墳乃知防後艱僻愛山水勝清興殊不慳丹青更精絕猶得留塵寰

唐司徒李光弼墓在寶華塢中即今袁氏墳也相傳

開墻時得金劍一柄

唐吳越廣陵王錢元璪及其子中吳軍節度使文奉

墓並在橫山北麓錢氏有國日造薦福寺於山下土人遂以寺名名山又墓旁有

壽聖院晉天福五年文奉建以奉廣陵墓祀初名吳山院至宋治平中賜今名崇寧元年文奉孫公著立石少府監丞強浚明為記盧志云墓在橫山楞伽寺旁非也且以浚明所作訛為明因院記而謂公著所撰亦非明因院即薦福山感慈院也凌民瞻有方丈記不及錢氏父子則非所謂墳祠矣

詩明周詩

弔錢王墳千年霸業餘荒塚一望群鳥

宋禮部尚書蔣堂墓在橫山魯塢堯峰寺旁

至和元年葬門

人邵必志胡宿撰神道碑

宋鄭文肅公戩墓在感慈塢

宋翰林學士葉清臣墓在寶華寺旁

宋秘書監贈司徒富嚴墓在寶華山

宋集賢校理林槩并妻墓及尚書左丞吳國公林希

墓並在寶華寺旁

宋長樂郡君賀氏墓在桃花塢

元豐七年葬

宋銀青光祿大夫廣平侯程師孟墓在橫山下

蘓舜欽撰

誌銘

宋常州知州李餘慶墓在橫山

宋吏部尚書龍圖閣學士周武仲墓在楞伽寺旁

宋濠州錄事叅軍杜沂并妻江氏墓在堯峰北

宋禮部侍郎唐輝家墓在寶積寺旁周益公南歸錄云唐致遠先隴

自五代以來接續葬一山已十七世平江世家惟此最久

宋翰林學士范良器墓在楞伽山下

宋贈奉議郎王仲舉墓在桃花塢政和元年葬江公望撰志

宋贈檢校少保忠勇李寶墓在橫山

宋笠澤先生王楙墓在橫山

宋迪功郎富延年墓在寶華山祖墓側

元處士王鑑墓在橫山按鑑字明卿真定人寓吳張士誠造廬訪之鑑每勸以仁

義得民士誠語人曰明卿高世士也吾之益友至正丙午卒年七十三無嗣令有司買地營葬于橫

山之麓陳基撰誌銘

元江浙提舉儒學鄭元祐墓在橫山

元臨安縣尹盧廷瑞墓在城灣周伯琦撰墓誌

元徽州路儒學教授陸德原墓在橫山東黃潛撰墓誌

元平江路達魯花赤袁黻墓在桃花塢

元鎮守長橋都元帥魏國武宣公甯玉墓在丹霞塢

子廣東道宣慰使都元帥居仁僉行宣政院事居

正江南財賦司副使昌言孫奉御伯謙淮南行省

伯讓並祔

偽周張士誠平章朱英墓在薦福山修竹塢司徒李

行素伯昇之父墓在楞伽山下

明工部侍郎於朝肅墳在橫山南顏家塢俗呼為大

人墳

明涿州同知吳文度墓在桃花塢永樂癸巳年葬

詩明陳符拜吳夫子墓少年游學住岩阿此日重

動烟蘿簡編傳播文猶在泉石鏤題蹟未磨翹首松岡埋玉處不勝哽咽思如何

明都昌縣知縣俞貞木墓在楞伽山寺下村中

明濟南府經歷陳汝言墓在橫山茶塢子翰林院檢

討繼祔揚文貞士奇謨繼墓表

明禮部尚書楊翥墓在吳山嶺西長旗嶺下

明貞孝先生莫轅墓在城灣子延平府同知震祔

明徵賢良盛偲墓在吳山南屏蔽塢

明進士盛佺墓在方居塢

明吏部左侍郎許思溫墓在桃花塢

明禮部尚書金問墓在橫山

明贈太保陳僖敏公鎰賜塋在吳山西麓從子四川

僉事俱祔徐有貞俱墓表

明福建按察司僉事陳祚墓在桃花塢子教授寧孫

知縣悅祔

楊循吉撰墓記

明刑科給事中孔友諒墓在吳山西嶺下

明工部右侍郎孔鏞墓在九龍塢計六十三畝弘治

三年賜塋子刑部主事彥光祔弟中奉大夫宗人

府儀賓公銘妻安福郡主祔

明淵孝先生杜瓊墓在橫山北塢

明貢元姚丞墓在感慈塢父梅谷先生翊主穴子沂

州判官厚祔

明高士宋通墓在薦福塢

按通字文傑長洲人在元為萬戶侯兵起散萬金為

一方保障洪武初舉賢良方正不赴乃卜宅楓江相地九龍曰吾世有隱德不敢望富貴惟期子孫得為善人能保詩書之澤足矣

明山西右叅政祝顥墓在九龍塢孫應天府通判允

明祔

明貴州副使陳琦墓在吳山上金原

明溫州府知府文林墓在梅灣鳳翔岡下孫國子博

士彭祔

明太僕寺少卿都穆墓在花園山

明禮部尚書贈太子太保吳文定公寬祖父母墓在

花園山

李東陽撰志銘

明監察御史盧雍墓在橫山西

明叅政盧襄墓在橫山西

明福建僉事杜啟墓在橫山北塢

明太子少保兵部尚書楊莊簡公成賜塋在吳山西

南麓

明廣西提學僉事袁表墓在橫山全家塢

明廣東按察使趙寬墓在吳山靈石峰

明吏部員外郎皇甫汙墓在楞伽山

明右都御史盛應期墓在感慈塢賜塋弟鄉貢士應

望祔

明鄉貢進士張鳳翼墓在吳山

明吏部員外郎王穀祥墓在橫山

明貢士王寵墓在堯峰

明大學士贈太師申文定公時行墓在吳山東南麓

賜塋

朱文恪公國祔撰志銘

明南京通政司徐申墓在堯峰蒼塢賜塋子鄉貢士

列祀

明贈江西叅政汪深墓在梅灣

明鄉貢進士江西叅政汪禧墓在堯峰山麓

明吏部尚書周用墓在紫石山西麓

明文學周天球墓在吳山麓

明高士黃嘉芳墓在吳山孫文學大坡附邑侯江盈

世擅風雅

明刑部郎中黃暉墓在梅灣暉偕兄明捐墓南地四頃為義塚撫軍畢亨按

院戴縉具題
蠲稅名樂丘

明陰陽學正術贈刑部尚書錢澣墓在吳山子陰陽學正術封刑部侍郎贈尚書應龍附

明錢璣墓在毬嶺

明蘭溪縣知縣盛王贊墓在感慈塢祖塋側

明福建叅政陸杲墓在楞伽寺下杲字孟昭太倉人

明贈都察院右副都御史徐諒墓在堯峰

明貴州叅議張珪墓在楞伽山下

明禮科給事中楊昇墓在紫薇村

明杭州府同知王廷貴墓在吳山下

明御史夏璣墓在丹霞塢

璣崑山人

明山西僉事沈元墓在丹霞塢

明贈翰林院待詔鄉貢士張基墓在城灣西

吳山嶺下

明贈吏部右侍郎吳孟融墓在薦福山西麓

明太常寺少卿馬紹榮墓在楞伽山

明太僕寺少卿李應禎墓在橫山北塢

明右副都御史徐源墓在堯峰

明鄉貢士吳元恭墓在吳山西麓

明貴州左叅議杜詩墓在花園山麓

明贈承德郎大興縣知縣湯彥祥墓在薦福山麓

俗稱

湯家山

子大興縣知縣陞任南京宗人府經歷勅授

奉直大夫渭勅賜高年爵級瀚拊

明中書舍人湯士禕墓在鳳凰池

明湯鳳鳴墓在鳳凰池

明布政司使王世仁墓在花園山

明龍江關總兵施英墓在薦福塢

明韓襄毅公雍墓在城灣村東北

明貢士徐義仲墓在紫石山

文文肅震孟題曰明義仲徐先生墓

明尤氏祖塋在九龍塢

明文學丘康孝墓在九龍塢

明處士徐侃室錢氏墓在薦福寺右彭年撰志銘文徵明表墓

明太學倪士龍墓在桃花塢

明袁應詔同配節婦吳氏墓在九龍塢寧都魏禧撰志銘

明文學葉伯英之配旌表節婦吳氏墓在下郁橫山葉燮

撰誌銘

明貞女顧氏墓在吳山崇禎癸未進士錢塘縣令顧咸建女字吳江邑庠生葉世

偶未嫁守節

明廣西副使湯聘尹墓在九龍塢

明莒州知州毛文煒墓在吳山

明雲南按察司劉弘道墓在寶華山

明贈南京禮部尚書楊啟明墓在鳳凰池

明江西按察司張鼎思墓在堯峰

明進士俞琬綸墓在嶢下

明贈貴州按察司副使孝子繆天秩同妻旌表貞節

張氏墓在堯峰

明拱山先生鄭光寅墓在紫石山

明尚寶司少卿袁黃墓在橫山南麓

明貴州提學按察司僉事葉重第墓在下郁

明巡撫山東都御史錢位坤墓在吳山

明胡氏祖塋在楞伽山下胡浩封文林郎子樵福建

建寧府順昌縣知縣祔

明處士包山陸治墓在吳山東麓

明浙江叅政前監察御史丁元復墓在寶華黃墩

明中丞王哲墓在陸墓山

上有孤松特挺

明吏科給事中郭璘誥封父墓在分金塢

明湖廣永州府推官吳晉錫墓在寶華山子 本朝

順治丁酉科舉人兆騫祔

徐欽撰兆騫志銘

明通政宋學顯墓在蕩上

明貢士葉元夫墓在吳山南麓

明文學華朝榮及子思省墓並在梅灣

本朝翰林院編修何焯墓在紫石山

翰林院檢討周廷燮祖墓在城灣

贈承德郎翰林院修撰孟亮揆墓在毬嶺下

翰林院檢討馮勗祖父母墓在治平寺前

貢士金朝勳墓在顏家塢

汪琬撰志銘

處士顧有孝墓在紫薇村

處士劉獻廷墓在陸墓山

門人黃曰瑚誌墓

內閣學士宋大業墓在茶磨嶼下

翰林院編修邵泰祖墓在吳山東南麓

中翰張麗敷墓在褒忠嶺下

贈奉直大夫私謚潛孝先生金拱辰墓在堯峰西麓

朱彞尊撰志銘

處士文熊墓在福壽山

節菴周象元墓在薛家灣

申貽芳撰志銘

貢士金上簡墓在薛家灣

處士程大年墓在吳山下

壻陸咸撰志

朱節母周氏墓在吳山下

欽氏祖墓在分金塢
雷氏祖墓在白雲塢

文學陸恕墓在吳山東南麓貞女慎祔葬舅氏顧嘉譽有傳

烈女申氏墓在薦福山西麓諸生申陶憲女字同邑錢生唐起生病卒女聞

訃痛絕強往視斂歸即自縊死

翰林院庶吉士董祖墓在紫石山有正直流芳額

兵部職方司章賁墓在薛家灣

乙酉科副榜張涵墓在紫石山

翰林院簡討顧承烈祖墓在紫石山

貢士徐惇復壽藏有福壽山北麓室孫孺人長子太

學生縹先塋

通政使司通政使陸經遠墓在福壽山東北麓

處士朱耀鍾墓在馬家浜內翰林院修撰徐陶璋作志銘

按察使司副使毛世榮暨元配徐恭人墓在鳳皇山

麓墓前築丙舍一區饒花竹之勝

澗西居士顧嘉譽生壙在白雲隴室周氏先塋楊繩武撰

志子道行媳安氏祔葉啟祥撰志銘

寶雲禪師塔在堯峰西麓

湛川性和尚塔在堯峰

麓亭和尚塔在堯峰

橐菴行如和尚塔在畫省泉

徐枋撰塔銘

退菴弘儲和尚塔在堯峰寶雲寺後

徐枋題碣

汾亭禪師骨藏在吳山嶺下即承天墳

義塚二

一在梅灣明刑部郎中黃暉同兄明捐墓田四頃為之按臣戴縉具題免稅名曰樂丘一

在王家木橋南石亭後

人物 孝友

唐丁公著字平子三歲喪母見隣嫗抱子哀感不食

稍長請于父緒願絕粒奉道以資母福父憫而從

之年十七勉令就學以五經及第授校書郎秩未

滿告歸養父沒哀毀削容躬負土築墳于橫山之

東

即丁家山

葬後廬墓不去有司表其至行詔賜粟帛

旌閭

明馮懋良跨塘人父明治性褊急娶鍾生懋良口吃

失父愛及後妻生子益厭逐之結草以居又毀其

廬懋良無怨色父病籲天割股以進竟愈人共稱

其孝轉激父怒以子逆訟縣里人不平集眾詣縣

申其冤令遣懋良出掩門笞其父懋良求代無路

泣欲自盡宗鄙止之曰令方怒而父而死必坐以

無故殺子孫律而痛不尤深乎因逃至南都以醫藥療人病無弗效有欲以女妻者懋良以不告弗娶辭及父老病歸視湯藥晝夜不交睫解帶旣歿竭力營葬備後母之棺衾恤幼弟之饑寒孝友之篤皆人所不可及者

陳敬字叔莊隱於石湖稱石湖漁者性孝友親沒與兄簡同居相友愛敬博學稽古尤工於詩兄遠游旅死敬間關扶櫬歸葬子拯字廷濟有父風

盧士誠字惟明越來溪人父本立早卒士誠甫七歲

鞠於母王稍長治舉子業以體孱成病母曰盧氏宗祀惟爾是屬盍往學醫士誠乃習醫病遂瘳持以療人又輒效痛父違養益勤事母作奉萱堂天順癸未有芝產庭咸曰孝徵

徐言字子義號怡蘭跨塘人有至性父政以貲雄里中有豪不逞者修怨於政主者入其偏詞羅織成獄言百計求解不得直走闕下鳴冤世廟爲之動容事下南法司得白政年未六十欲析產諸子言曰吾長子也可利弟之有乎乃以高貲與諸弟而

自取磽瘠季弟歿遺孤藐藐爲之代理家事歸其
歲入於孤寡而所出不以絲毫及焉至於族黨之
有無相通細民之稱貸至者無虛日靡不有以應
其求迨家日落歲祲無以應歎曰爲德不終是吾
恥也貸於有力者分給之至鬻產以償弗悔也
徐思仁字元之言之子性惆儻不治生產父好施與
思仁曲意承順母病侍奉湯藥累月不解衣帶待
兩弟均財任勞友愛備至時有賑卹常密遺之不
令人覺里中某繫獄贖緩無措其子行哭於市思

仁解橐代輸得釋值颶風漂没人舟思仁急命僕
挽救全活多人倭變起思仁督鄉兵保障饗士費
無算平居課子弟嚴而有法戒曰母自擇利先已
後人諸子奉爲家訓云

張玉木瀆市民徙居寺下街性篤孝父好爲人居間
有爭者欲得銚金費則釋玉以二銚奉父父持去
與衆飲酒家忽失之父意不樂或以告玉玉復以
銚往請於父曰兒誤以金歸爾父乃喜

倪雲裔字若林父頤菴貢士世居郡城遭亂遷于吳

山之桃花塢生而多故未嘗學問二十餘方攻書
史天性純孝母余遘危疾侍奉湯藥目不交睫者
兩月病不起乃割臂肉煮湯以進時絕粒已久一
飲遂索糜旋向愈方雲裔竭力醫禱時盡鬻妻房
服飾得金爲盜所覺夜排闥入願菴羈館獨雲裔
侍母寢哀告盜曰所有任取去勿驚我病母群盜
物盡復奪母卧具雲裔翼以蔽母盜以利刃加頸
不動始舍去若夫事頤菴備極色養先意承志家
計有無一力支撐不以累其心真人子所難也

董煥字仲彥郡人性至孝父樹標早世事母鍾愉色
孝養世亂負母匿于山遇兵頰中三矢不肯舍母
兵以孝釋之卒塋橫山子志起躬自負土事母王
竭力有父風

張基字德載越來溪人性至孝嘉靖十九年舉於鄉
父銓卒南安任基千里奔喪哭踊幾絕服除當計
偕念大母陳年高不赴尋大母卒喪塋盡禮旣再
試不第遂屏冠服爲野人裝題其室曰愛日奉母
以居朝夕不離左右孝養終其身學者私謚曰靖

孝先生崇禎十年御史祁彪佳表其至行與歸子
慕朱陸宣俱贈翰林院待詔孫世偉字異度七歲
喪母朝夕上食號慟如成人聞者皆爲流涕及長
文名籍甚詳後文學傳中

本朝施鳳岐字中來崇明人以先壟在橫山即丙舍
徙居焉父英明季時爲龍江關總戎國變後讐家
誣以逆黨禍且不測鳳岐詣 闕鳴冤父得免

人物 仕宦

吳陸胤字敬宗凱之弟世居吳縣之橫山始爲御史

遷選曹郎太子聞其名待以殊禮後爲衡陽督軍
都尉赤烏十一年交阯夷賊攻沒城邑以胤爲交
州刺史安南校尉胤招諭黨魁皆降加安南將軍
復討平蒼梧建陵賊永安元年徵爲西陵督封都
亭侯胤天姿聰穎才通行潔民心愛戴所至皆著
政蹟卒後子式嗣

唐朱子奢越來溪人父才爲梁國子博士諫議大夫
子奢從鄉人顧彪學善文詞隋大業中爲直秘書
學士遭亂還鄉獨處湖上唐貞觀初從杜伏威入

朝授國子助教時高麗百濟同伐新羅連年兵不解帝假子奢散騎常侍節諭旨平三國之憾子奢偉丰儀夷人尊畏之二國上書謝罪贈遺甚厚轉諫議大夫弘文館學士唐初太廟止四室子奢始發七廟之議帝嘗欲觀起居紀錄子奢諫曰陛下所舉無過事雖見無傷然以此開後世史官之禍可懼也史官全身畏死則悠悠于載尚有聞乎帝不之罪恩禮有加貞觀十五年卒于官

宋程師孟字公闢景祐元年進士知吉水錢塘二縣

皆有政教歷仕至京東安撫使遷正議大夫致仕哲宗即位授銀青光祿大夫封廣平郡開國侯卒年七十八洪福廣越四州皆立生祠朱長文論師孟爲政即韋丹治豫章孔鄒帥嶺南常衮化七閩無以加也米芾亦云師孟以文章登科以政事躋顯以言語出疆以恬退告老足之所及功利蔚起其推重如此旣乞歸築湧泉書院于橫山之下讀書游詠其中幾十年乃沒

滕元發初名甫字元發避王諱以字行其先東陽人

父高用薦爲秘書郎卒葬吳山遂家焉母夢虎行
月中墮其室而生元發幼即豪俊九歲能賦詩范
仲淹之父壻元發諸舅也嘗教以爲文及仲淹守
蘇延胡瑗教授元發爲入室弟子舉皇祐五年進
士由大理評事歷官至龍圖閣學士卒贈左銀青
光祿大夫謚章敏元發宦遊四方時故山之思恒
形歌詠戲語人曰若蒙聖恩以石湖作鏡湖賜元
發生平之願足矣其戀戀如此

范成大字至能父粵字伯達秘書郎成大年十二徧

通經史十四工文辭父沒讀書崑山薦嚴寺十年
乃出紹興中舉進士授戶曹累遷著作佐郎除吏
部郎官出知處州入爲禮部員外郎兼崇政殿說
書假資政殿大學士克金祈請國信使全節歸除
中書舍人出知廣西靜江府進敷文閣待制四川
制置使召對除權吏部尚書拜叅知政事爲言者
所論奉祠歸起知明州除端明殿學士尋擢江東
安撫使知建康府以病乞休進資政殿學士起知
福州封吳郡開國侯加大學士知太平州尋乞歸

封吳國公卒追封崇國公謚文穆成大天資俊朗
輔以博學爲文瞻麗清逸尤工於詩使金不屈忠
勁之風傾動朝野所歷名藩興利除害在在歌舞
之晚憇石湖阜陵錫以宸翰自號石湖居士

盧瑑字

居吳山城灣淳熙中爲宣教郎充兩浙

西路提舉常平茶鹽司幹辦公事以才能著歷遷
寺簿致仕歸構所居稱吳山第一林泉終老焉

莫大猷字廷嘉綺川人紹聖中以薦仕至浙東常平
司提幹累贈朝請大夫

莫子文字仲武大猷子少敏悟通經史寶慶二年舉
進士知嘉興縣會王疇奉使括田法甚苛細子文
不從疇譖之田使劾其拒命理宗素知子文止降
宣義郎後吏部尚書趙以夫言其能拒括田之令
舍已愛民以原官陞道州通判遷朝散大夫知廣
德軍兼內勸農營田事賜魚袋致仕

元盧廷瑞字君祥城灣徐塢人皇慶中爲臨安尹築
亭館於吳山下

袁黻字煥章其先木瀆人父曙元初贅綺川文氏徙

越溪饒稼橋居焉黻讀書有詩名至正中以薦任
 平江路達魯花赤兄黻字煥文隱居不仕有詩名
 明黃本號迂齋郡人移居綺川洪武中舉明經為武
 夷訓導陞會昌教諭易恒久成贈詩有西江久待
 黃文肅不減蘓湖教授賢之句

郁新字銘本橫山西麓人少從父賈臨淮家素饒裕
 慷慨好施洪武中以人材徵授戶部主事陞郎中
 未幾擢右侍郎逾年召對稱旨晉尚書建文二年
 罷永樂元年仍召掌部事三年卒於位新有才幹

精會計自謂劉晏以下無可與比肩也

薛穆號澹園吳江人遷於橫山桃花塢博學工詩文
 善楷書精墨竹洪武中徵人材授柳州判

袁徹字南周村人洪武中以人材任湖廣布政
 司經歷

許思溫字叔雍世居吳山下洪武中貢入國學授官
 署刑部事改監察御史陞按察司副使靖難兵起
 奉詔往永平府集六州縣民丁守禦永樂元年以
 功陞刑部右侍郎改吏部署尚書事轉通議大夫

踰年以事下獄死洪熙初追贈吏部尚書遣官祭墓官其子俊為太僕寺丞

張瑄字叔琳越來溪人洪武中以人材徵任荊州府

知府坐黨錮

瑄瑾珙衣冠葬于陸墓山東有碑記

張瑾字叔瑜瑄之弟洪武中徵人材授工部員外郎

與兄瑄連坐黨事

莫禮字士敬子文七世孫洪武中以人材徵為戶部

員外郎超擢左侍郎坐藍黨被誅

李箎陸巷人永樂中貢宣德中任台州衛經歷

陳信紫薇村人永樂中貢宣德初授保定府安州判

官

張昱紫薇村人宣德中貢正統中授福建都轉運鹽

使司判官

鍾文紫薇村人宣德初由吏員為崇仁縣縣丞

王玘字 饒稼橋人正統中由吏員任江西南昌

府新建縣典史陞主簿

莫宏字 綺川人景泰癸酉舉人任湖廣德安府

安陸縣訓導

顧璘字華玉世居紫薇村以匠作隸工部因占籍上
元遂爲應天府學生弘治丙辰舉進士年甫弱冠
授廣平知縣穀名洋溢遷吏部主事進郎中出知
開封府觸劉瑾黨怒矯詔逮問無所承貶知全州
轉台州遷浙江叅政嘉靖改元陞山西按察使以
病免戊子起江西旋陞浙江布政使擢右副都御
史巡撫山西疏乞終養忤旨以布政使致仕越七
年以原官起用巡撫湖廣己亥遷刑部右侍郎尋
改吏部會顯陵肇工陞工部左侍郎領山陵事竣

加尚書改南京刑部尚書歸隱橫山之白雲塢

顧璘字英玉璘弟也正德甲戌進士授工部主事旋
改兵部遷郎中謫知許州陞溫州府同知擢山東
僉事轉沂州兵備遷河南副使信陽兵備被讒罷
歸年甫四十璘性剛直于世寡諧歷官不攜妻子
俸外不取秋毫比還家無甌石儲不爲意寓居治
平寺坐卧一小樓顏曰寒松讀書其中授徒賣文
自給官長有欲爲璘地者以書辭曰桂玉之累日
迫而溝壑之志不忘桑榆之景漸侵而羞惡之心

橫山志略
未喪耿介之操老而彌篤

盧雍字師邵越來溪人父綱有德操一日芝產於庭而生雍正德庚午辛未聯捷觀政都察院留心吏事都御史王某見所擬牘驚歎薦授御史武宗北狩宣府欲建行宮雍上疏罷役已清戎畿內長寧伯橫斂籽粒繫民庾死抗章請釋還其侵地再按四川首劾巡撫不法又妖人蠱惑一方立擒置法遷本省提學副使未任卒年僅四十八

盧襄字師陳號五塢山人幼穎異受易於兄雍登嘉

靖癸未進士授刑部主事改兵部陞禮部員外郎遷郎中不數年歷三部所在職辦諸尚書咸器重之奉命典試江西讐校明審孤寒悉拔第秉性彊執爲時所忌被誣下獄賴上聖明得白陞陝西右叅議時抱疾赴陝聞父訃益劇抵家卒年五十一子應坊舉癸卯鄉榜有學行

徐如珂字季鳴跨塘人萬曆乙未進士授刑部主事歷郎中以同舍建言國本鐫秩補雲南布政司照磨光宗立遷衡州府推官轉南禮部主事署郎中

陞廣東叅議攝海道大計卓異擢副使脩兵川東
平奢酋亂召拜太僕少卿旋晉左通政時魏璫煽
虐中外願指如珂獨侃侃不屈轉光祿卿璫遣私
人陰致爲用如珂斥之璫怒誣指邪黨矯旨重處
輔臣救免璫復矯詔逮周順昌緹騎激變禍且不
測如珂抗言東南財賦地不可重擾事得寢璫怒
未已密布左右羅織不得會推陞工部侍郎削奪
抵家飲藥而卒後叙川功予贈蔭賜祭葬

呂純如字孟諧號益軒家于吳山之城灣天啟中官

至兵部尚書

人物 卓行

梁張嵎字四川橫金人綺川石氏其外家也因徙居
焉父稷爲剡令至嵎亭生之因名性至孝年三十
餘猶斑衣受父杖動至數百收淚歡然感家禍終
身褐衣蔬食手不執刃弟淮有過嵎垂涕訓改起
家秘書郎授吳興太守值侯景亂陷建業封嵎征
東將軍賊將破義興遣使說嵎嵎斬其使益兵破
賊景遣中軍助擊嵎嵎敗賊執送景景欲釋之嵎

曰速死爲幸乃被殺子弟遇害者十餘人景欲存其一子唼曰吾一門已登鬼錄肯向逆賊求恩耶于是皆死

宋沈右字仲悅以漁爲業居越來溪四十無子妻鄒爲置一妾問其姓氏乃名家女也右惻然急召其母還之使擇配且贈奩具焉又里人家有十三喪貧不能舉者右爲買地悉葬之好施樂善有古人風蓋賢而隱于漁者也

明莫轅字巽仲禮之兄子少從張適易恒學洪武初

父繫詔獄將刑轅年十一自請代死有司竒之試加脇誘無異詞遂奏釋其父而繫之後獲赦祖謨叔禮坐藍黨俱死於法轅變姓名亡命冒法竊其祖叔遺骸歸葬兄子雲霖俱幼孤無依轅保護甚至沈文度者萬三之曾孫也有女字某而文度死家成邊轅收養其女長而歸之隣有舉室死疫者獨一幼子存人以疫能相染莫敢視又收養之家失火延及母寢轅躍入烈焰抱母以出遍體焦爛痛念家禍却酒肉不御一切屏絕卒年七十七私

橫山志田
謚貞孝先生子震字霆威正統中進士歷知嘉魚
海鹽遷建寧通判署邵武府轉延平府同知所至
有政教致仕歸家無餘貲葺先世綺川舊業以居
足跡不入城市年八十一無疾而卒

薛鑄綺川老人坐申明亭聽斷一離婚事鑄叱其婦
翁曰何故欲離翁曰婿貧甚不堪也鑄曰若既欲
離罰出十金翁欣然取十金來曰求一休婚書鑄
曰且未令人至家更取十金共付婿曰速擇日成
親翁頓足曰曷爲罰吾金而復婚之鑄曰若嫌婿

貧耳今有二十金可以完娶生業翁語塞其婿叩
謝而去

俞泮字聖開居行春橋西塊好讀書不應舉每展卷
遇節行事輒歎羨生平以孝友自砥親朋患難盡
力解救無倦故人有在高位者頻邀泮入都不應
有巨室以千金爲壽托寓書黃緣於顯者泮堅却
之其果毅端方類如此

俞尚志字惟在泮之子也嘗客京邸有同里周玄玉
者子身旅寓挾重貲忽病劇以數千金託尚志云

半煩付家半以贈君尚志拭淚陽諾急召同鄉多人驗寄宛平縣庫玄玉沒醫藥棺歛尚志並出已貲不索償毫忽及扶櫬歸窆偕玄玉親族詣都領清庫貯衆舉其義知府陳訐謨式廬表之

鄒谷字虛生居吳山嶺西自幼食貧苦學與周忠介公相砥礪所交必端人正士稍涉勢利峻絕不應忠介罹璫禍就逮縣署谷晝夜相隨周旋患難不畏繒繳之及惜中壽而卒

袁一鯨字汝躍六歲喪母育於母族城灣薛氏既長孝父備至性廉潔從兄一虬官江右惜刑有重囚願享千金丐一緘得寬者峻絕之傭人鋤地獲金馳報一鯨曰汝物汝取與我何與貧常斷炊閉戶靜坐偶有饋遺辭不肯受其人置之庭而去一鯨猶愧悔無已

鍾士奇字未詳陸墓山人少有遠志數歲即善屬文閱史傳慕諸葛孔明之爲人倣其木牛流馬之法盤走几上見者訝之試輒高等不售志愈奮雖終於未遇而師模文行隆重一時爭延致之親朋知

其貧多餽遺者怫然起置諸道旁或投之水曰吾
豈受人憐者耶嘗因催科急質衣得一金赴納遽
失之撫掌大笑人謂曰君失金何樂乃爾士奇曰
吾爲拾金者樂也其襟期如此

橫山志略卷五

寓山

顧嘉譽 編輯

諸同學 叅訂

人物 文學

梁陸瓊字伯玉雲公子也雲公葬於橫山南麓瓊遇
侯景之亂奉母即墓旁以居焉勤苦讀書博學善
屬文陳天嘉中以文學累遷尚書殿中郎初雲公
奉召校定碁品瓊時八歲於客前覆局都下號爲
神童武帝召見稱異入陳極爲徐陵輩所推重位

望日隆丁母憂歸葬後主自製誌銘朝野榮之
唐朱佐日字扶光祖父居橫金幼與治平寺主僧華
嚴同筆硯故恒借榻讀書後登制科爲御史武后
嘗吟白日依山盡一詩問是誰作李嶠對曰御史
朱佐日也賜綵百匹轉侍御史後爲昭陵輓詩入
高等

宋李育字仲蒙堯峰人性高簡能詩文嘗賦合肥飛
騎橋詩膾炙人口登皇祐元年進士未仕歸得郁
氏廢圃於橫山嶺下種梅盈千日吟咏其中

范周字無外仲淹姪孫贊善大夫純古之子負才不
羈無意榮達居橫山白雲塢中安貧自樂日以吟
詠自娛

元金永字維則吳山人學於丁敏才美而造深所作
詩文有晉魏風致惜多散失

吳文恭字文度石湖人父子庶好讀書交遊文恭克
承先志六經百家各究其指歸喜爲詩雖憂困不
廢吟詠吳山之麓丁敏以詩鳴文恭日夕過從賡
唱人見其終日閉戶突無烟火窺之則二人相對

劇談忘饑

明朱應辰字文奎綺川人從楊維禎游學古文詞洪武初應詔起乞近地養親得本郡儒學訓導改江陰應辰爲文繁而不猥詩工長短句篆籀法古嘗奉旨書符印所著有漱芳集三卷築寄翁亭蛻窩爲棲隱處王止仲行作記

張璠字季璉越來溪人家世以貲雄於鄉璠獨輕財好學時天下初定憲令嚴迫璠毀形杜門絕意榮進郡邑辟舉皆不就構素心堂雪侑亭日吟咏其

中兄瑾瑄俱以人材辟用並坐藍黨棄市璠僅得免著有陶菴集從弟珙栖逸有璠風

珙字孟璋

莫旦字景周震子也博學工詩文成化改元領鄉薦卒業太學作一統賢關二賦名重京師授新昌訓導遷南國子監學正乞歸年八十餘卒旦居家有法嘗勅石湖鄉賢祠生平著作甚多嘗論吳澄以宋臣仕元不當列從祀趙孟頫以宗室事讐不得爲名臣皆名言也其輯吳江縣志考論典故搜采舊聞積三十年而始成大雅可觀又有新昌縣志

鮪鄉集傳於世

文洪字公大先世出衡州武甯父始來吳與綺川莫氏爲密戚因家焉洪棄武就學無間寒暑遂於易理從遊甚衆成化改元舉于鄉

張銓字秉道世居越來溪研經篤學文詞清麗嘉靖元年登賢書歷官州縣所在俱有政教著蓴江稿二卷子基

張世偉字異度基之孫父尚友文行見推於時世偉少有才思受知於督學陳子貞厚賻其父之喪前

此未有也所交皆海內名士頗恃才簡傲萬曆壬子年已五十始舉順天鄉試忌者構蜚語臺省遂劾以關節罰三科天啟辛酉覆試始得白屢會試不第築泌園讀書其中有泌園集行世

徐字義仲跨塘人少有雋才弱冠補弟子員試必高等性不羈嘗醉失履適縣令呼殿至大教曰爲我取履令重其才與之履命役送歸名著一時竟以數竒屢躋循例充貢非其志也

周臣字端人城灣人自號藕洲居士善屬文爲大司

馬呂孟諧所識賞使其子君法與之同學補吳江
縣弟子員數試不利即肆力於古文詞詩尤精詣
春秋佳日集同人於西軒多唱和之作

本朝汪琬字茗文長洲人 順治乙未進士授戶部
主事分司大通橋改授刑部尋以奏銷案降兵馬
司指揮俸滿復任戶部假歸閉戶著書家居九年
以博學宏詞徵授翰林院編修纂修明史以病請
還結廬堯峯隱居著述時名公鉅卿誌銘表傳必
以琬爲重學者稱堯峰先生

徐昭錫字靈仙邑諸生世居跨塘工於詩文爲汪堯
峰所稱許詩稿頗多卒之後無有存者長軀脩髯
里之人咸以髯翁爲號焉

葉燮字星期號已畦吳江人虞部紹袁子幼稟殊質
讀書十行俱下登 康熙庚戌進士選知寶應縣
性不耐吏事經歲拂衣去或薦應宏詞科力謝之
一築橫山之陰顏其堂曰二棄杜門著述陶鍊百
家自關門徑所刊已畦詩文集暨原詩內外篇行
世無不傾倒旁精內典手註首楞嚴法華方外知

橫山志略 五
識亦皆折服四方名流從游甚衆俱稱橫山先生
云卒年七十有七

徐唵字韵生號疎菴跨塘人祖父豐于財唵幼孤爲
人所侵漁家遂落既長又不善治生產食貧授徒
以養母學爲詩有上下千古意見世之徒工教調
而事掇拾者深以爲鄙及聞橫山先生講學山中
得其言論刺畫鍛鍊不敢苟下一字先生亟稱其
律詩能得少陵之風裁年八十餘卒無後遺稿曰
擊轅吟先生之孫啟祥序而傳之

人物 隱逸

宋榮巖字茂世舊居道州性喜竹結廬竹間號筠谷
及知臨安引年乞休陛辭之日上以琉璃瓶貯丹
桂花且繪之便面題詩二十八字并金帶爲賜復
書筠谷二大字以寵其歸於是卜築吳山之麓終
老焉

元顧諒字季友博通經史註儀禮行於世值至正末
兵亂隱居橫山之陸巷性夷易不事畛畦結廬曰
怡齋王行止仲爲之記自號癡叟

明鄭若庸字中伯性穎悟初就傳暗疏經義不誤一字長而典墳丘索靡不遍通屢試失利隱居橫山之薦福塢結廬墟次甕牖繩樞人過者指爲蝓蠃之居遂自號蝓蠃生趙康王聞其賢三聘乃出禮以上賓鄴中人士巧詩文者無虛日諸王貴人以鏹幣延致者迭至因幡然還山蕭然避世提觚操槧惟事編輯所著甚多止刊布其一名蝓蠃集

袁尚緝字休明郡人安節公之後因祖墓在橫山白雲塢遂築室居焉補縣學生家貧出爲凌錦衣壻

綺麗一無所顧絕外賓閉斗室讀書不輟俗子笑之勤苦自若著易述老子貫半僧籍諸書既卒門人輩私謚曰貞靖先生

彭年字孔嘉其先清江人父昉登正德辛未進士知新會縣以不阿上官拂衣歸隱卜居橫山之梅灣年少穎異嗜學喜爲詩古文辭而厭習舉子業竭力晨昏以養其親久之知府王廷察年孝廉上提學楊宜幣徵入府學而歲廩之檄年應鄉試強赴南都登鍾山望大江怫然而返終不請廩曰是升

橫山志略
斗朝廷養士以俟異日用者我無心仕路安得食
之學使欽其高行惟歎賞之居恒筆耕以供養殮
吳中好事家以不得年書法及詩文爲恨晚得小
疾自定日期以逝

湯因字去執隱居越來溪上前有落星橋自題艸堂
曰拾星門開三徑栽松蒔菊構小室扁曰逋雲竇
日吟咏其中所爲詩氣韻清空惜罕傳于世

徐政字宗德號蘭谷世居跨塘少警敏智度過人年
十三喪父綜家務區畫如成人及長推掌財賦事

克善其任守令交才之時郡守奏均蘓郡稅額得
請俾政總八邑田務八邑田不下百萬頃皆稽實
以登於籍無尺寸爽他若濟河防賑窮乏諸事無
不於政是賴然終養晦林泉仕進非其志也

薛大訓字 橫山南麓人孝廉長於汲古明季隱
居不仕

張宏字君度精于畫苑得山水正傳石湖人

李士達字 亦石湖人善畫

本朝周東侯字魯望吳江諸生作文不隨人步趨甲

申國變有勸圖進取者東侯堅謝之乃去故里隱跡橫山之陸巷方巾布袍與野老儔雜望之有古人風家貧無擔石儲不肯干人舌耕自給蕭然環堵晏如也予友葉啟祥其弟子也述之頗悉故論列之

何果字志行郡之著姓隱於橫山老屋數椽杜門靜處不欲與世爭得失精藝樹闢地一區花果雜植鬻以糊口生平無疾言遽色其有道之士歟

王申荀字咸中號真山文恪公鑿六世孫讀書不求

膺仕築山房於堯峰之石隴與汪鈍翁過從晨夕以隱終其身有石隴山房投贈詩文斐然盈帙皆海內鉅公也

文熊字建周號卜菴相國文肅公震孟孫也甲申國變父應符守節被戮家產盡沒熊依其嬪翁安夏隱於橫山夏歿遺孤鏐在孩抱中熊撫育教誨以迄成立盡歸遺產於孤可謂難矣晚託詩酒自娛以老

人物 寓賢

漢梅福字子真壽春人居常以讀書養性爲事王莽亂政福弃妻子變姓名爲吳市門卒與石湖漁叟苗老人善數至其船或歌或哭不知其所謂苗亦哀帝時郎將避莽而隱者

唐楊收字藏之越公素之後父遺直德宗朝爲濠州錄事客死于吳葬橫山松木塢遂家焉收七歲居喪若成人母長孫氏親授經十三通大義善屬文號神童里中多造門觀賦詩至壓敗其籬收笑曰爾非羸角者奚用觸我藩及壯博學強記無不通

曉登會昌進士官至尚書右僕射以事賜死

宋鄧若水字平仲井研人博通經史爲文章有奇氣布衣時吳曦叛欲殺知縣若水起兵討曦人壯其志嘉定中舉進士對策論史彌遠奸狀乞罷相考官置之後列人傳誦其文嘉熙間復上言欲剖棺戮尸以正彌遠之罪喬行簡嫉之出爲通判未幾罷隱居教授吳之陸墓山遂不復仕

元柯九思字敬仲號丹丘仙居人以蔭補華亭尉遇文宗於潛邸及即位擢爲奎章閣鑿書博士凡內

府所藏法書名畫咸命鑒定寵顧日隆文宗崩忌
者欲危之因遁迹流寓吳中治平寺寺僧善本九
思之甥所居有曠望閣愛而棲焉剃髮留鬚蕭然
老衲卒年六十九九思善畫竹石得筆法於文同
嘗自謂寫幹用篆法枝用草書葉用八分木石用
金釵股屋漏痕然其生意飛動有龍翔鳳舞之狀
高文度字惟正蜀人寓居石湖上與宋无鄭元祐周
南老輩吟詠所著名吳山紀實

王行字止仲長洲人髫時從其父爲南濠入市藥籍
記出入甚悉主翁異之授以魯論即成誦乃令遍
閱所度書弱冠辭去授徒于齊門几無餘冊詢所
學曰得之藥肆翁耳張氏據吳隱居教授洪武初
郡庠延爲經師時訓導無常祿猶儒生衣巾弟子
心易之以五經雜進問難肆應不窮皆歎服去晚
年結廬石湖之滸著書不出有楮園集

焦白字任道淮安人遷於吳才志不群張士誠辟爲
湖學教授辭去客泖上間作詩畫下筆輒不凡性
迂濶人目之爲迂白張氏所在搜儒乃變名曰德

乙郎寄食楞伽山之寶積寺尋以病卒

丁敏字巽學烏程人博學好古爲時推重元末徙居
吳山之麓與吳文泰袁章張璠易恒輩爲詩友繞
舍皆種梅花笑傲其下有詩集行世

謝應芳字子蘭武進人耿介尚節義作爲文章咸有
根柢元末徙居蘇之葑門避兵吳淞江上所至人
傾其德延致恐後年逾八十歸隱橫山自號龜巢
老人有龜巢集

陳符字原錫太倉人家素封平居嗜學手一卷金出
納不問從吳文泰讀書吳山下文泰沒喪葬皆符
經理尚書周忱擬薦用以母老辭無後以卒著有
存誠齋集

明諸壽賢字延之崑山人六歲入小學即龕孔子像
危坐對之十三能文千言立就中萬曆丙戌進士
性鯁直自負與同年顧允成彭好古意氣相頡頏
數言事詔回籍待選三年改南陽府教授遷國子
助教陞禮部儀制司主事戚畹中貴有所祈謁曾
不一顧曰此輩豈可與作緣時趙志臯在政府與

本兵石星皆唯阿充位壽賢劾之會病乞歸講學里中才俊雲集如俞琬綸朱大典蔡懋德俱入室弟子也晚乃築舍寶華山中纂述周易以老本朝安夏字大已世爲梁溪人遷吳卜居橫山之陰爲人重然諾趨義事如不給友人文應符相國文肅子也守信國疊山之節被戮家產沒於官遺孤熊煢煢無所依夏撫育教誨俾成立以女妻之畀以家政出納無所問夏晚年始生子卒之日子甫三歲亦賴熊以立子鏐長庠生有才名

劉獻廷字君賢號繼莊大興人遷于吳生稟異質讀書一目二十行三教百氏外國之書無不窺他如遁甲醫卜詞曲制義餽飭之學無不曉門弟子上自王公下至士庶以千百計三藩亂有招之者獻廷匿包山者數年著書等身其後周遊無定所嘗寓堯峰之胡巷年僅四十五忽鼻柱下垂踟跌而逝弟子輩葬之陸墓山麓會者數百人皆痛哭失聲有生平未謀面拜其墓稱弟子者

周 字龍芝居虎邱世業醫雄于貨落拓不羈家

橫山志
蕩析無所有乃流寓於跨塘棲遲一小樓面山枕
水庭有老梅嘯歌其中欣然自得生平未嘗干人
開門授徒束脩不計有無當除夕罌無粒米鑿地
穴煨楮袖其中繞室走徹夜如是者三日無戚容
嘗作詩具有郊島之風惜皆散軼不傳當其家之
落也僕人爭竊財自肥不下數人後皆擁厚貲龍
芝檢其典身券悉焚之曰無貽子孫異日累也其
存心忠厚如此

人物藝術

周天龍丈人不知何許人往來山城無定所喜著麻
衣冬夏不更善擘窠大字小不過徑尺大則尋丈
皆成龍拏鳳騫波湧雲流之勢吳王夫差築成姑
蘇臺欲書其名使人召致得之石湖漁舟上麻衣
見王王憐其老欲舍之曰丈人不老惟王命乃盛
牛羊血數斗和以膠煤駕如杠之帚製一輓轡蹲
身其上畫上則上畫下則下左右如之捷於飛猱
三日夜畫成姑蘇臺三大字殿壁修廣可五六十
丈縱橫皆滿王見之嘆曰神哉鬼乎仙耶贈以金

壁不受拂衣而去

齊褚思莊香水溪人以善奕名嘗以奕授石湖童子
康保居湖上十年後客于琅琊王抗抗品思莊爲
第一手而會稽夏赤松次之夏思速褚思遲齊高
帝嘗命王抗與思莊對奕自辰至酉始竟一局上
倦遣還省至五更方決抗卧于局後思莊達旦不
寐其用思深入人不能當所以稱國手也

隋吳士逸其姓名目盲喜居舟中往來無定跡常從
石湖由白洋灣入太湖憑空指畫形勢衆莫知其

所以渤海王高澄召試之聞劉桃枝殺曰當大貴
王侯將相死於其手然譬如鷹犬爲人所使耳聞
趙德毅曰亦貴人聞太原公洋殺曰當爲人主聞
澄殺無語澄曰我家群奴猶當極貴况吾身乎其
後諸王大臣賜死者多桃枝所拉殺而澄竟遇害
洋竟受禪

唐張旭字伯高一字季明幼時舟渡石湖遇風而覆
衆皆無恙獨不見旭有頃從水底躍起手執銅筆
一枝上篆顛顛兩字故人號之曰顛非嗜酒而顛

也自是運筆不凡與包融及賀知章張若虛齊名
稱吳中四士

楊惠之吳山張古村人與吳道子同師學畫見道子
藝成惠之耻居其下更學爲塑工遂爲天下第一
手蘓東坡有楊惠之塑維摩像詩

席謙梓州明肅觀道士精于奕來遊吳治平寺僧海
雲酷嗜奕聞謙名掃榻迎之與之較謙殊不經意
海雲思索甚苦竟日不能勝一局後海雲病謙辭
歸蜀杜子美有詩云席謙不見近彈碁

張楠字大本南濠人學琴于陸墓山張雲生精其法
後客揚州逢異人授以琴捺撫之有至音名聞江
湖著琴史

宋趙伯駒字希遠千里弟嘗畫石湖圖進呈孝宗卒
葬橫山周益公必大爲墓表

法能寶積寺僧作五百羅漢圖面目不同袈裟各異
秦觀爲之記

李懷仁丹霞觀道士善畫龍嘗于毘陵天壽觀畫壁
自題丹霞觀羽士醉筆

橫山志略
勝昌祐字勝華工畫花鳥宛有生意尤長于畫鵝與
蝶寓治平寺與小沙彌狎嘗贈以百蝶圖懸之壁
間每遇晴明花發則絹上諸蝶皆栩栩欲動日間
細數必有一二蝶飛去燈下數之則滿百真神物
也

僧妙應俗姓童居感慈塢中工於刻石淳熙中游寓
龍興寺嘗模廬山王瀚須菩提像于寺中其陰作
天台五百尊者筆法奇古又于虎丘作石觀音像
尤奇

丁真一橫山福濟觀道士善製墨號玄中子
王惟清橫山人製墨甚精其印云淨名齋幕云姑蘓
山山人王惟清

元表遇昌跨塘人以像塑嬰孩著名每塑一對約高
六七寸者價值三四十緡非預置錢以定則經年
不可得蓋其齒唇眉髮與夫衣襦襍績宛如生人
至于顙門按之翕翕然動遇昌死此藝遂絕

明滕用亨初名權字用衡郡人因事祖母讀書吳山
寺中間學辨博文辭爾雅尤精六書之學其篆隸

高出近代永樂初召試稱旨授翰林院待詔更善
鑒古嘗侍上閱畫卷衆目爲趙千里用亨言筆意
類王晉卿及卷終果有駙馬都尉王侁名

張冲虛紫薇村人善醫有道人就竈吹火一蜈蚣伏
火筒中悞吸入腹痛不可忍延冲虛視之命碎鷄
子數枚于碗中令啜之良久痛少定取生油與燕
須臾大吐則雞子與蜈蚣纏束而出盖二物氣類
相制人服其得醫意云

張康忠字孝資別號廉水精脉理時以切脉决人休
咎或懸斷數年後事皆不爽吳興一貴人病致聘
百金康忠方服親喪強之行至則要以更衣康忠
愠曰此豈可易哉汝金具在遽取還之促棹返貴
人不得已聽其麻衣入視投一劑即愈性不治生
得財好施與晚脩綺川崇神觀以居攻致虛守靜
之學年九十四終于觀中

錢瑛字良玉世業幼醫宣德中入太醫院治病多奇
效赴人危急不問貧富貴賤有所酬報不計厚薄
常戒諸子曰醫仁術也可計利哉晚年好道委其

業於子恒子愷游寓橫山之丹霞觀中與道士雷應真論修煉之術年八十餘有少容曳杖疾走與壯夫同健

陸子剛碾玉名手也造水僊簪玲瓏奇巧花莖細如毫毛年未六十忽有方外之思爲僧治平寺十餘年不入城市亦奇人也徐文長有詩

湯氏橫山西麓之孫莊人周壽民妻製麥柴團扇極工巧四遠皆購之爲山中之贄

人物列女

宋張氏女橫山南麓張建第五女也三歲喪母靈牀舊物屋漏沾濕出暴於庭女一見抱持痛哭血淚交流遂不飲食醫視之曰腸已斷矣即日亡

元周氏名妙寧年十九爲吳山盧廷瑞繼室視前配所生恩逾已出廷瑞爲江浙行省屬官臨安一嫗爲人鬻金珠偶失無償將殺身以自明哭訴妙寧妙寧哀之謂廷瑞曰嫗失物無幾將以死抵責妾願脫簪珥代償廷瑞善之如數以應嫗得免死明孫氏郡右族習內儀適城灣南村陳可久生子思

甫離襁褓而可久卒氏年二十八家貧躬織衽極
勞瘁以育孤長娶婦孫氏未幾思又卒婦勵志效
姑守節姑泣曰吾不幸早喪所天媳又不幸如吾
然吾誓不辱夫媳亦不辱吾子真吾媳矣姑媳茹
荼相依撫孤篋成立爲黃陂主簿洪武七年姑年
五十六有司采實上聞得邀旌典而媳節未達篋
構堂奉祖母與母以居里人競作詩歌題爲雙節
徐武功有雙節堂銘

王氏嫁越來溪盧本立家劇貧本立蚤世王保藐孤
士誠艱苦萬狀禦外侮舉三襄孀居五十一年卒
士誠妻朱氏士誠卒朱年尚少亦能守志撫孤紀
綱成立卒年七十餘孫雍襄並登進士長洲沈周
有貞壽詩

顧氏名妙明橫山北麓人某州知州均義女也均義
好談忠節常以古賢淑訓之妙明曰此亦人耳均
義喜曰女志有在矣嫁杜玉居近市顧爲婦久言
笑敬不過隣壁生子瓊逾月玉卒顧盛年罷容飾
專紡績以養舅姑舅沒姑病瘕侍湯藥者六年瓊

長令從陳繼學夜執女工與共燈火讀書瓊以學
行爲名儒里有病草者囑其妻爲杜節婦妻感之
亦守節正統四年知府况鍾上奏賜旌卒年八十
趙宗文有贈節母詩

王妙鳳吳山西麓田家女也嫁吳奎姑有汙行不欲
行母強之乃歸吳以禮自持奎常客外妙鳳獨與
姑居一日姑與所私飲并欲污之計不可得姑命
取酒乃挈壺不進又從爨室舉燎警之不去復入
戲紵其臂妙鳳憤極拔刀砍臂不殊再砍乃絕父

母來視欲訟之官妙鳳曰死則死耳豈有婦訟姑
理耶逾旬卒里人白於縣縣梗姑婦寃不得申

三貞女嘉靖癸丑夏倭寇吳中有婦挈女逃奔賊追
至行春橋女號泣曰兒力不能自衛願親割愛遂
投湖死又蔡氏女者寇來家衆皆奔女獨徬徨不
知所之賊執而褫其衣驅至橋竄入水賊復挽之
登岸至暮俟賊衆寢取其刀連刃之賊驚呼磔其
肢體又韓碧溪女素有志操聞賊之暴常誓于父
母曰緩急不能相顧生女何益惟不爲門戶羞可

耳及臨難倉皇而馳望見裸而持刀者即投水死
文氏長洲人衛輝同知元發女也元發微時爲石湖
陸孝廉家塾師因家寺下女年十五歸太學生姚
汝轍二十二汝轍死子希孟生甫十月氏事兩姑
乳幼子茹荼四十年希孟登第文章品行卓然爲
時名臣得之母教居多萬曆四十二年巡按御史
薛貞題旌錢謙益有旌節頌

居氏跨塘徐福繼室福元配尹氏生子侃七歲尹死
居歸焉歸數月福卒氏年十九撫侃如已出以禮

自坊族中窶人脅令改適將不利于侃而有其貲
氏斬然不可撼卒能立孤而終其守

錢氏徐侃室也名淑慎年十七嬪於侃門戶單弱姑
居勵節寡處氏事之甚謹侃病卒氏躡踊欲絕歛
葬咸以禮未幾姑亦卒其哀姑也一如哀其夫撫
子政愛不廢教用能有成卒年七十五

本朝錢氏吳邑人年十九歸同邑何某生子二某遂
卒某之嗣父果從郡城卜隱于橫山之跨塘氏依
舅姑居焉勤勞作苦以奉二人姑先卒舅年踰九

旬侍養不少怠卒年五十餘蓋距夫之沒三十餘年矣未旌

楊氏安夏側室也夏無子納氏于室生子鏐甫三歲夏卒氏時年二十一熒熒子影撫孤成立茹荼食藥盖有節婦之所難者卒年七十一未旌

安氏鏐之女配予子道行甫七年道行亡氏以遺孤甚藐姑病且篤忍痛以待未幾姑沒隨以孤歿氏嘔血以死年二十七

人物 高釋

梁頷頷尊者天監中住寶華山之智顯禪院有卓錫峰又有泉湧出名頷頷泉

唐續空者梅灣之齊君房也苦貧勤學爲凍餒所驅元和初游錢塘至孤山饑不能前有胡僧顧君房笑曰法師諳旅况否君房曰何哉僧曰子不憶講法華於洛中同德寺乎君房爲饑火所惱不暇憶前事僧乃探鉢囊中出一棗大如拳曰此吾國所產食之知過去未來事君房食訖甚渴掬泉水飲之欠伸枕石而卧有頃乃寤思講經于同德寺如

昨日焉乃落髮

志勤歷遊四方光化中至吳山愛水月廢寺不忍去
遂結廬居焉天祐間刺史曹珪以明月改名之
宋法遠廬陵人俗姓王年十九遊并州從嵩禪師受
具戒再歷諸方皇祐初壽聖院爲錢王功德請之
開山遂卓錫於斯擬班固九流作九帶敘佛祖教
義博采先德機語叅同印證學者傳之歐陽修造
其室因與客碁遠坐旁修請其說法有從前十九
路迷悟幾多人之句修嘉歎之

道光熙寧間爲治平寺主其道行遠近尊禮嘗撰筭
譜二卷王安石極賞之有送道光住治平寺詩
守詮寶積寺僧佯狂垢汙而詩絕清遠嘗遊西湖題
梵天寺壁云落日寒蟬鳴獨歸林下寺柴扉夜未
掩片月隨行屨惟聞犬吠聲又入青蘿去蘓子瞻
見而和之云但聞烟外鐘不見烟中寺幽人行未
已艸露濕芒屨惟應山頭月夜夜照來去詮遂以
詩名重

顯暹號寶雲俗姓陳八歲出家服勤諸律通圓覺起

信等經論敝衣糲食自給問道于覺軻禪師軻以
法印示之遂臻妙悟後居堯峰爲人師學者去來
常數十人爲易其敗宇而暹無所營久之示寂皇
祐中駙馬都尉李某以暹續入廣燈仁宗統

宗本無錫人年十七來依古金仙寺永安禪師爲飯
頭飯熟必禮拜然後供僧一日忽悟恣談教典見
道甚明人有飯僧者必告曰汝先養父母次辦官
租有餘力方以供僧我輩雖望檀施汝須先爲其
大者後住瑞光寺法筵日盛知杭州陳襄以承天

興教二刹命本擇居吳人擁道遮留襄又以淨慈
請移文諭曰借師三年爲杭植福不敢久占因住
淨慈歲大旱湖井皆竭寺西隅有甘泉自湧開堂
說法多所顯化元豐五年奉召入都宣見于延和
殿賜坐問法有貴戚試以娼薦寢旣登榻鼻息如
雷娼爲般若光所爍竟夕不寐帝升遐召本說法
賜金襴衣加號圓照禪師有旨任便雲遊州郡不
得抑令住持晚居治平寺西林元符間將入寂沐
浴而卧弟子環擁請偈本曰癡子我尋常尚懶作

偈今日又作什麼偈尋常要卧便卧亦不必今日
特地坐也乃索筆書曰後事付守榮擲筆卧若熟
睡已去矣閱世八十五政和初賜塔名無際
普鑑字佛慈住寶華扣真淨之室淨舉石霜度侍者
話問之釋然契悟作偈曰枯木無華度幾秋斷雲
猶掛樹梢頭自從鬪折泥牛角直至如今水逆流
亮禪師住薦福寺僧問不假言詮請師樂誨師曰大
衆總見汝問麼曰莫祇這便是也無師曰罕逢穿
耳客

休休菴祖師本吳山寺打飯頭陀苦行三十餘年一
旦聞雷聲而悟遂爲休休庵祖師示寂後遺一匣
上書轉語云焦明蟲吸乾東海魚鼈蝦蟹無處安
身立命有人悟者其鎖鑰自開卒無悟之者

蘊常治平寺得月軒詩僧咏石菖蒲云細水圍基石
纖纖手自移幾年離雁宕萬里到天池

法平寶華寺詩僧登北固城云不負南徐眼來看北
固雲金焦兩山小吳越一江分

元宗衍字道原石湖人工詩尤善書至正初主嘉禾

橫山志略
德藏寺以才辨聞著有碧山集危樸爲序

清欲臨海人幼入徑山禮虎崑又謁古林茂公茂云
雖是後生却堪瑠琢至正間主席楞伽入院上堂
云石門巖險鐵關牢舉目分明萬仞高四十年中
重到此始終不隔一分毫

妙覺住寶華僧問機輪曾未轉轉處實能幽轉處如
何覺曰白雲繞空谷春風拂太虛云意旨如何曰
劫火洞然毫未盡青山依舊白雲中

明故山洪武初住吳之延慶次住寶華後歷揚州都

綱住天宮著有松月集格韻高遠絕肖唐人

趙頭陀自稱終南山人成化間遊吳啖肉一頓盡十
數斤或一鵝一猪首飯至粟斗許住承天寺數年
一日忽疾走行春橋看月大呼一轂遂立化諸僧
具威儀茶毘之得數舍利

明心號覺源治平寺僧後住虎丘有宜晚堂詩集

道證字心印長洲人出家治平寺宣德間詔授右覺
義住持大功德奉勅較藏典中禁年七十三示寂
賜祭葬治平寺方丈後

寶明號月舟弘治中治平寺僧能詩遠塵字亦清媚
貧而好客客至則罄貲飲之

海性號湛川崑山人神采英毅髯鬚接髻壯年薙髮
居堯峰龍洞中體不貼席困倦不支輒以首觸石
每日辰巳間持鉢出忽大雨至午不休因持過午
戒遂絕粒明日循村行乞一田婦見性來以袖掩
釜中飯詭云罄矣性發大憫心謂慳貪不捨入餓
鬼道吾必度此婦佇立不去他人與性飯弗受也
薄晚其夫荷鋤歸譙讓其妻一村闕然群犬叫號

恍惚如夢醒豁然見父母未生前面目其初受具
作務必先見積厨不充即託故不食見寒者解衣
衣之有憐其寒而予之衣其施人猶故也予衣者
諍之性曰學道者身可捨何有於衣予衣者曰汝
捨身能捨而投池水平性遂踴身赴水衆挽之出
性曰吾擲此換清淨法身耳已入龍洞久之遊燕
都至五臺行諸苦行事老僧如奉至尊主病堂如
養父母未幾南還過一村墟哀其窮欲與植福募
三日罔應一達官子邀之至家性不忍違初志徘徊

橫山志略
卷五
禪
御村墟自若達官聞之餽金錢布帛頗饒性是晚
宿招提見衆僧膚粟面黧即所受立罄矣居龍洞
始構一團瓢南還後善信麇集於是殿宇悉完整
又於西麓復宋之興福菴四方忝叩者日衆或時
絕糧性每棹孤艇遠近募緣甚且稱貸以應及將
示寂語徒曰未完事急完之我秋當去後果然
本朝弘儲字繼起晚號退翁俗姓李通州人年二十
五投三峰藏和尚力叅頓明大法藏許爲臨濟荷
擔真子有藏於雲龍用出獅吼之記毘陵許中丞

請住夫椒祥符又歷台州之東山能仁天台之國
清興化慧明瑞巖天寧諸刹所至開堂說法衲子
景附順治己丑冬始居靈巖寺久廢儲至檀施雲
湧遂成叢林後遊南岳德山大振宗風歸吳卓錫
堯峰康熙壬子秋示寂沐浴更衣泊然而逝壽六
十八所著語錄樹泉雪舟浮湘明白菴等集

行如字子山號麤菴吳郡人俗姓黃母徐早背如痛
念罔極見劇演目犍連事遂棄聘室矢願出家薙
染於堯峰興福寺西脉和尚受戒於徑山若菴律

橫山志略
師叅學於夾山南澗諸長老機鋒捷出洞徹玄旨
順治癸巳吳中檀護延主堯峰不允乃喜吳山之
畫眉泉境幽且僻遂架巖鑿谷構數椽爲終老計
無何願浩堅請強起應之信施雲集百廢具興由
其一誠所孚無少緣飾故所歷諸名刹靡不翕然
皈仰壽至七十有七臨寂說偈示衆曰一生行履
甚尋常末後無端爲舉揚誰去誰來誰是主月明
峰頂露堂堂先是自營壽藏于眷泉之旁屬秦餘
山人侯齋徐枋爲之志銘芸齋老人周茂蘭爲之

篆額至是弟子超一超泯等奉其骨葬焉而泐塔
銘于石易亭老人楊无咎更爲跋其後

人物 道流

漢徐靈期吳山人也隱衡岳上清宮遇異人授玄丹
之要周遊巖壑作衡岳記歷叙靈異元徽元年九
日冲真至宋徽宗朝賜號明真洞微真人

晉聖姑瑯琊王彪女也多道術常於石湖中著木屐
而行人皆神之歿後立聖姑廟于湖濱祈禱多靈
應迄唐刺史于頔莅蘇發其棺容色如生觸手化

爲微塵

隋周隱遙字息元西洞庭道士嘗主白雲塢天清觀
教事自云角里先生之後學太陰鍊形法死崖窟
中囑弟子曰檢視我尸勿令他物相干六年後更
生當以衣裳迎我弟子守視初甚臭腐蟲壞惟五
臟不損如言閉護及期啟視身已起坐弟子具湯
沐易新衣迎歸髮鬢而髭粗而直如獸鬣焉十六
年又死如前更七年復生如是三度年且八十貌
如少壯煬帝召至東都尋還唐貞觀中召至長安

問修習之道對曰臣所習者匹夫之事功不及物
帝王一言之利萬國蒙福得道之效速于臣區區
所學非萬乘所宜問也復求歸山詔遂其志

唐周生軼其名太和中廬于吳山頂以道術濟人人
有患苦造求必濟以勢力致之輒不應吳人甚敬
之後遊廣陵有三四客偕來值秋中月霽生自言
曰某學于師能絜月致之懷袂或疑其誕或喜其
竒請試其術生命虛一室翳四垣使無纖隙取筋
數百呼童以繩聯續架之曰我將梯此取月去乃

閉戶久之數友步庭中伺焉忽覺天地晦冥聞生
呼曰我至開室視之生日月在諸君試觀舉其袖
出月寸許一室通明寒氣入骨友再拜稱異出戶
尚晦有頃始復明

宋王大猷胸山人乾道間仕忠翊省幹來居郡城中
街路苦其塵坌乃寓于丹霞觀中忽夢神授養生
之道自是虔志事神飯道設齋至淳熙中純陽誕
日齋百道士散一道人至垢面跣足敝褐片中遍
體瘡痍而畧無穢氣但言來雖後時幸無却人咸

怠容獨大猷加禮道人曰我能治內亦善治外大
猷問高隱何地道人曰得隱便隱無定處問姓名
不答徐曰省幹當兼善天下豈宜獨善其身大猷
答以天下人安吾道始安道人笑而別去期年再
至稽首跌坐大猷叩不語有頃曰昔聞省幹有天
下安之言其說有二富貴而安藥石而安大猷曰
吾志不在富貴道人曰吾有異方藏之久矣今觀
汝有道風不容秘令屏左右密授戒曰藥就可治
一切風疾量力售價養生兼以濟物子孫寶之有

利焉若圖轉授非神明所許語既見孤雀自天而降道人撫而乘之遂飛去異香滿室大猷驚絕遂製藥博施無不奇驗世傳王省幹宅授仙丹

侯頤軒蜀人宋末隨父來吳宋亡弗歸時有天乙法師倡教于吳山施水院頤軒從而遊焉一時名士皆樂與往還虞學士集來省墓頤軒抱虞氏兵陽使君遺書與見虞因贈詩曰成都高士吳山客曾是相從大父時每抱遺書嗟往事復貽妙句樂新知鴛鴦影裡心原靜鷗鷺盟中願不疑但得閒身

各安健白頭歸共橘中棋

橫山志略卷六

寓山

顧嘉譽

編輯

諸同學

叅訂

災祥

漢惠帝五年辛亥夏大旱石湖涸冬雷桃李花

興平中橫山北麓有一童獨足一目跳而歌曰黃金

車斑爛耳聞闔門出天子踪跡之不知其處後孫

權遂以黃龍元年建吳國

後漢天冊元年乙未石湖民董買掘地得銀尺長一

尺廣三寸上刻有年字

晉咸康七年辛丑吳山嶺西村民王夏家木生連理
太守王恬以聞

宋大明二年戊戌白雀產於治平寺太守王翼之獻
于朝有白雀頌

隋大業十三年丁丑十一月有大星北來磨拂竹木
皆有光飛至湖東及涇港口而墮時劉元進舉兵
據郡聞而惡之令掘地得一石徑丈餘俄而元進
兵敗誅死

唐大中元年丁卯吳山桃花鵑鑿井得天王像

咸通中有異鳥來棲溪上賀織布家四目三足其鳴
曰羅平萬目傳觀而不驚冉冉飛入雲中而沒

宋皇祐間橫山四面民間牆壁上以白堊書在字一
夜前後左右雖隱僻之處皆遍

元大德十年丙午五月溪橋民王佑家酒甕中忽作
雷鳴以物覆之則止去覆復鳴三日乃已

至正十五年乙未正月二十三日酉時聞兵甲自石
湖東南來民驚走視黑雲中彷彿甲騎火光若燈

燭者滿湖經西北而沒民居屋瓦皆揭去屋內器
皿皆倒仆城郭崩圯私鑄低錢盛行

明景泰六年乙亥夏地震亢旱歲大祲沿山樹木斬
伐殆盡

詩明龔詡

記事鍋無粒米竈無薪只有松楸可濟
貧半賣半燒山濯濯可憐流毒到亡人

成化十一年乙未四月地震八月大水居民忽傳有

虎自洞庭山渡湖而來至堯峰食人漸次踰陸墓

山過吳山嶺矣眾人狂奔避匿至有顛蹶而死者

詩明唐寅

橫山有虎行橫山人家傍山住唱歌采
茶上山去下山日落仍唱歌路黑林深

無虎慮今年虎多令人憂遶山搏人茶不收墻東
小女膏血留南村老翁空觸牖官司射虎差弓手
自隱山家索雞酒明朝入城去報官虎畏相公今
避去○橫山有虎動成群小兒夜啼爭撞門衆
中最猛說白額當晝磨牙當道蹲腥風衝人行不
得行人出門便愁食青天白日柰爾何老天却愁
多陰類

成化十九年癸卯元旦大雪三日始霽治平楞伽吳

山一帶樹枝凍結如瓔珞一春陰秋禾大稔

弘治十六年癸亥十二月大雪深四五尺洞庭諸山

橘盡凍死吳山嶺西馬老人家有橘百餘樹特加

愛護亦凍死王世貞作橘荒歎以遺之

詩明王世貞

橘荒歎吾行洞庭野柑橘皆歲蕤吳山老人家橘亦靡子遺借問何以然
老人為余說前年與今年山中天大雪自冬徂新春冰凍太湖徹窮老苦無田種橘克王租霜餘樹樹金寄此萬木奴悠悠彼蒼天三白望為瑞如何為橘災斬伐如劍利飮餽索賓筵貢篚缺王事曾聞后皇樹不過淮之郊他處豈獨無我家號珍苞衢州徒菌蠹湘潭亦寥梢地氣信有偏天灾曷仍遭予為老人言為計恨不早從今原隰間只種桑與棗

正德十年乙亥三月六日沿山一帶柏樹有露如脂

其甘如飴

嘉靖二十四年乙巳

湖水縮石湖生青草民

有得軒轅鏡于岸者

萬曆七年己卯十月四日並出晡時輒相摩盪匝月方止丹霞觀方道士見日中一物墜於高松絕頂猱升而取之乃一古銅方寸小牌上有雷篆文不可識為郡侯取去

萬曆二十八年庚子五月十四日雷火大作楞伽山塔自級中發熾焰三晝夜寸木皆燬而甑甓獨存灰燼中得一木匣中藏經一卷

崇禎十四年辛巳夏旱蝗米騰貴每斗價至銀四錢山民絕食多死者

詩明王世貞

橘荒歎吾行洞庭野柑橘皆歲蕤吳山老人家橘亦靡子遺借問何以然
老人為余說前年與今年山中天大雪自冬徂新春冰凍太湖徹窮老苦無田種橘克王租霜餘樹樹金寄此萬木奴悠悠彼蒼天三白望為瑞如何為橘災斬伐如劍利釘釘索賓筵貢篚缺王事曾聞后皇樹不過淮之郊他處豈獨無我家號珍苞衢州徒菌蠹湘潭亦寥梢地氣信有偏天灾曷仍遭子為老人言為計恨不早從今原隰間只種桑與棗

正德十年乙亥三月六日沿山一帶柏樹有露如脂

其甘如飴

嘉靖二十四年乙巳大旱太湖水縮石湖生青草民有得軒轅鏡于岸者

萬曆七年己卯十月四日並出晡時輒相摩盪匝月方止丹霞觀方道士見日中一物墜於高松絕頂猱升而取之乃一古銅方寸小牌上有雷篆文不可識為郡侯取去

萬曆二十八年庚子五月十四日雷火大作楞伽山塔自級中發熾焰三晝夜寸木皆燬而甑甓獨存灰燼中得一木匣中藏經一卷

崇禎十四年辛巳夏旱蝗米騰貴每斗價至銀四錢山民絕食多死者

本朝順治八年辛卯大水米石價至四兩五錢
康熙九年庚戌六月大水漂沒田廬人民淹死湖濱
棺木漂蕩不知所之

康熙十八年己未大旱蝗紫石山一路餓殍載道
康熙十九年庚申大水

康熙三十五年丙子七月二十三日狂風大作猛雨
傾盆天色昏黑山中數百年喬木摧折殆盡水一
夕暴漲不能計其尺寸相傳是山出蛟翌日山谷
中巨石歌傾有坑數處深莫能測

奇事

祝雞公者不知何時人居洛陽尸鄉北山下養雞百
餘年雞千餘頭皆有名字暮栖樹下晝放散之欲
取呼名即種列而至賣雞及子得錢千萬盡施貧
者去之吳中作池養魚後登吳山雞雀數百常繞
其旁

元末有人於橫山東麓收一失道女子自云我姓李
年五歲穎慧非常九歲即能詩其警句有曰桃花
一簇開無主終不留題崔護家及長爲張士誠聘

入宮

明楞伽貧女名伴娘不知何許人乞食爲活往來石湖楞伽之間歷年久顏髮不變插花謳歌夜宿古墓中蛇虺寒暑皆不畏時有何從者與郊道士入山遇貧女問其姓曰無問其年曰天長地久有何數日時嚴冬問何不畏寒指松栢曰艸木與人天地所養木尚能過何不會此從等因敬之進曰特來問道願慈悲開示女曰汝不能慈悲如何教我慈悲汝若求道必歸求心從等赧甚逡巡而退明

旦復往已失所在

剥皮和尚洞庭山商人所爲秋毫不苟因上方進香寓宿寺下沙氏偶感寒疾死斂棺置寺中復甦扣棺云我已活矣急啟蓋出曰死去剥皮剥旣接以紙貼其肉凡二十四次洞曉解脫離判之意遂削髮爲僧後不知所之

無盡意一頭陀也未悉其來歷號曰無盡意寓宿石湖諸菴貼體着一黃棕衣冬夏不卸正德丁卯白日跌坐釣橋龍頭至夜出定曰某處某家修齋齋

畢始歸袖中果餅尚熱嘗進香普陀二月十九日
上殿隔日言身寒取衲於蘇城范庄前蔡金箔家
有項即至帶得茶果等物分衆後至天台諸僧迎
拜一老僧問誰師耶頭陀云我無盡意也老僧云
誑我我童稚時見相貌今猶在信是無量佛住世
雙林巷戈文遠事之甚謹一日忽欲食蟹畢其二
以殼投井後爲蟹壻谷應之石湖狂士也欲試其
神通令取鮮荔枝以不時對乃往閩中取新橄欖
入定自辰至酉得連枝帶葉者數枚以歸衣袖間

有敗葦水草云適過鄱陽湖有人潛覷我即墜湖
濱耳潛覷者谷也自是谷亦敬禮有加頭陀竟不
知所終

嘉靖中有僧號天際者來自少林精拳棍推第一時
倭寇犯境天際奉勅賜金牌偕其徒玉菴守禦白
洋灣一帶賊至披靡遁走保全橫山一帶居民皆
其功也晚依寶積寺終老焉

裴慶業彈絮性落拓嗜酒每卧人戶外日無醒時市
兒侮之不爲意居城中大石頭巷用缸一承一覆

夜宿其中每日午時往盤門外越城橋看水遶湖
邊一匝或唱攀桂步蟾宮詞陰晴無間妻頗姿潔
叱令改嫁去而復至乃以竹杖擊其肩背雪涕以
辭人饋以清齋精粢不食也惟汚宿者則御馬每
見人有疾即扯衣帶煎湯療之大學士夏言過吳
候之堅不應夏遣人扶出大呼殺人蓋諷之也夏
不悟後果被戮嘉靖末張真人還朝輿請至舟中
稱以裴仙而拜之遂延住龍虎山至今尚存或云
已仙去矣

雜紀

國語越伐吳居軍三年吳師自潰吳王率其賢良與
其重祿以上姑蘇之臺使王孫雄行成于越越王
將許之范蠡屢諫不報於王擊鼓興師以隨使者
至於姑蘓之宮不傷越民遂滅吳

姑蘇臺已詳古蹟中更載諸說以備參考越絕書云
闔閭造九曲路以遊姑胥之臺子胥諫曰王既變
禹之功高高下下以罷民於姑蘇吳民離矣弗聽
史記正義云姑蘇臺在吳縣西南三十里橫山西

北麓姑蘓山上闔閭作春夏遊焉吳地記云闔閭
十一年起臺於姑蘓山因山爲名去國三十五里
夫差復高而飾之又云闔閭十年築五年始成高
三十丈望見三百里造九曲路以登臨事文類聚
云吳王夫差破越越懼乃進西施鄭旦請越軍歸
吳王許之王旣得西施爲姑蘇之臺高二百丈遊
宴其上子胥諫曰臣恐姑蘇臺不久爲麋鹿所遊
王不聽九術篇云越句踐用文種計作柵楣嬰以
白璧鏤以黃金狀如龍蛇獻于吳王王大喜受以

起此臺洞冥記云吳王夫差築姑蘓之臺三年乃
成周旋屈曲橫亘五里崇飾土木殫耗人力宮妓
千人臺上別立春宵宮爲長夜之飲造千石酒鍾
又作天池池中造青龍舟舟中盛貯妓樂日與西
施爲嬉又于宮中作海靈館館娃閣銅溝玉檻宮
之楹榭皆以珠玉飾之由前三說觀之則臺築于
闔閭由後二說觀之則臺築于夫差及考續圖經
云闔閭食不二味居不重席噐不雕鏤宮室不觀
舟車不飾而吳越春秋言闔閭云云者罔也蓋此

橫山志明
九
臺始基于闔閭而夫差飾成之乃爲定論耳今之胥臺山去郡城不過十五六里耳史記正義乃云在吳縣西南三十里吳地記又云去國三十五里何不審如是人之目力所到遠不過三四十里乃云望見三百里人人具仲尼端木之目而後可世之宮殿雖帝王所居高不過十丈而事文類聚乃云臺高二百丈雖阿房宮之不若又何不審如是真所謂盡信書則不如無書也由是言之所云姑蘓臺在姑蘓山上不攻自破矣

又按姑蘇山一名姑胥一名姑餘在橫山西北古姑蘇臺在其上此闔閭所築之姑蘇臺也茶磨山上與拜郊臺相近者夫差所築之姑蘇臺也二說未知孰是及考見聞錄云姑蘇臺在橫山東麓下臨石湖即今茶磨山是其遺址與拜郊臺前後相望故云兩臺上皆平夷儼然臺殿之形或謂在姑胥者恐非其說有五文獻通考云石湖在太湖之濱姑蘓臺下此一說也周益公南歸錄云初吳王築姑蘓臺爲城三里遺基儼然與拜郊臺相去半里

前有越來溪此二說也圖經云姑蘇踞連橫山之北古臺在其上此三說也唐崔鷄姑蘓臺賦云橫山之下有臺巍然越王城越來溪皆在其左右此四說也宋施清臣冽泉記云橫山治平寺梵刹之旁兩臺對峙又云山不可移則兩臺未泐地不可移則一井未湮此五說也范石湖云淳熙十六年與客登姑蘓臺山頂正平有坳堂蘚石可列坐相傳爲吳故宮所謂山頂正平可列坐正指茶磨山而言又其說之一也即此六說則臺在茶磨山無

疑其曰在姑蘇山者惟史記正義與吳地記兩說未見有據信聞不如信見况吳下止有胥臺山在橫山西北麓無所謂姑蘇山也

橫山方廣四十餘里東則茶磨楞伽吳山南則寶華陸墓王登長旗嶺七子墩西則堯峰鬻隸嶺昇猶山紫石山胥臺山北則民山九龍隴薦福山福壽山翔鳳岡皆曰橫山山之北麓有五隴舊名不雅宋時推官馬雲高士仇道易以芳桂飛泉修竹丹霞白雲之目其山南麓面陽向湖左環右抱泉石

橫山志略
林谷殊勝於北亦有四鳴曰牛角曰徐同曰松木
曰瓦隴明高士王寵以拜石采芝傳教來鶴四名
更之而各系以詩焉詩載雜著

石觀音巖在茶磨山下面臨石湖就巖石琢大士像
立於陡石裂罅之間庇以危亭有水一泓下視沉
沉深靜莫測跨石爲橋護以扶欄過者股慄視眩
左右絕壑巉岩寒藤古木蔽虧掩映清氣洒然殆
非人境俗呼爲小普陀申司馬用懋復就巖間砌
以巧石盤折而上造一殿周圍朱欄東面行春橋

遊人倚欄下瞰恍如仙境鼎革以來上方五聖神
祠酒肉幾於山海而石佛燈香日就零落故有上
方飽欲死石佛饑不生之語寺有申司馬祠

吳縣治隋開皇十一年楊素移置橫山下今之治平
寺是其故址唐武德七年仍還舊治

隋旣平陳江南未服相聚爲盜文帝以楊素爲行軍
總管討之追擊至蘇州移郡邑于橫山蓋欲空其
舊城耳

初楊素遷城于橫山匠者以楮木爲城門之柱素曰

此木恐不堅可閱幾年匠曰可四十年素曰足矣
此城不四十年當廢後果驗

石湖在橫山東麓一壑僅廣七里深不盈仞相傳爲
石季倫別墅遭滄桑之變故湖以石名此必因吳
縣舊志所誤舊志載石崇墓在吳山上西有潘岳
塚湖北有范丹基以是傳訛耳間嘗考諸世次越
伐吳築越城以圍之故自南溪橋由湖出越城橋
至塘陽渠抵橫塘南北十五里皆稱越來溪則此
地春秋時已爲巨浸季倫安得爲墅先輩盧熊云

越人掘溪進兵此地橫截山脚鑿石開渠以通南
北故名石湖昔年大旱水涸石徑斬然其爲鑿石
無疑湖之名宋以前不大顯自阜陵書石湖二字
以賜叅政范成大而後石湖之名聞天下東臯錄
云吳郡山水近治可遊惟石湖爲最濱湖有吳中
勝景坊蓋指其實也東南北三面多良田沃壤夏
秋湖風作時波濤澎湃洶湧勢將挾山走石莫或
障焉風定波平一碧千頃天鏡在目湖南兩溪橋
上下分鑿震澤之水至此爲一束湖北兩橋東爲

橫山志略
越城西爲行春越城斗而稍廣行春蜿蜒而平望之略似光福之虎山橋西湖之六橋云

越來溪史記正義云越自松江北開渠至橫山下東北入吳即此溪按松江即吳江非今之松江府也越伐吳時吳有備故即山開渠一夕而成遂滅吳吳郡志云越來溪在越城東南與石湖通溪水貫行春越城二橋以入吳故名蓋此溪有二由姚灣港至橫山下三里許出石湖如史記所云者此前越來溪也屬吳江縣由越城橋經塘陽渠至橫塘

如郡志所云者此後越來溪也屬吳縣今人止知湖南爲越來溪而不知由越城橋至橫塘亦名越來溪也

宋高宗建炎中詔以工部侍郎湯東野爲平江守同知樞密院周望爲淮浙宣撫使將官陳思恭巨師古張俊魯珪李貴等悉隸望節制望遣諸將各部所隸兵分護境內張俊魯珪居城巨師古控扼吳江李貴屯嘗熟陳思恭屯楞伽山兵無紀律村落間皆被其害

元末政令廢弛天下土崩盜賊蠡起有大盜十人蟠據橫山剽掠行旅號九龍十虎村落間無居民有有力者請於官率兵剿之始得以寧

明嘉靖三十三年六月五日倭寇燒劫閭門至楓橋八日至橫山焚掠殆遍兵備副使任環與總兵解明道出擊之殺二十餘人生擒一人賊退至楓橋十一日由石湖趨吳江三十四年八月十五日倭賊五十餘人自南京而下掠十七州縣至澣墅關十七日由楓橋直抵滅渡橋屯陳家莊官軍畢集

賊計窮迫十九日夜過五龍橋不知所出適有一人爲之嚮導遂由行春橋至跨塘屯徐又奎家嘉靖倭亂吳江孝廉周大章糾義勇數百人治戈船賊至則據險邀擊之總制胡宗憲聘贊幕府委督水師親冒矢石曾大破賊于石湖中

嘉靖癸丑春倭寇犯吳從太湖入掠至溪上爨于陸仲周家仲周邑諸生也佯與之暱賊衆咸拱揖問攻城虛實仲周曰有狼兵有東兵有土著壯勇賊笑曰壯勇數百不足當吾一夫敵仲周曰昔太祖

橫山志
乘勝席卷頓兵百萬於城下閱七月始克且值李
珍爲之間耳賊曰我詎不能仲周曰往所圍孤城
今四方援兵雲集將外戰不暇能專事攻城乎賊
有悔色撻其誘之來者而去城得無恙時城中實
無所備倭之息念皆仲周力也

嘉靖乙卯倭寇五十三人自浙至南京由常州以及
蘇蘓城外水道並斷橋阻之寇迷失道擄二人爲
指引一是橫塘打油人一乃西跨塘屠戶俱失其
姓名二人竊計曰賊欲至拓林不知向往我二人

何難捨生誤之以救一方之禍因給至絕地三日
無所得食餒甚四望阻水不可越乃發念嚮二人
自是官兵漸合寇遂滅

楞伽山神五顯聖者當年稱爲最靈顯禱祀不絕畫
船簫鼓自胥江抵行春橋綿亘幾二十里率以爲
常巫覡憑爲靈爽愚夫婦競相傳述奔走駭矚不
可究詰 本朝康熙甲子睢陽湯公撫吳投神像
于石湖改奉伏魔關聖像于殿中明年春山上產
一種細白圓子似珠拈之稍重即成粉土人云五

顯聖淚珠所化者亦可恠也

嘉靖時有趙麻婆者於石湖之濱泥中得鐵板一塊長一尺廣六寸上鐫梁張率藏書匣旁有新安守印爲王守溪取去

本朝康熙己巳 翠華南巡西遊靈巖鄧尉諸山道出跨塘幸許霞村女真觀

薦福寺吳越廣陵王元璩建以資冥福者土人相傳云寺最廣大亦非今處本在茶塢內康熙四十五年山農於塢內治地得碗底上有薦福寺置字樣

其遷造歲月不可考矣

紫石山石色紫理頗細昔有取以爲硯者小赤壁下注水一壑相傳此即鑿石琢硯所致理或然也其後採石者衆一日忽大雷震山石盡碎不堪用

雜著 補遺

詩宋

范成大

三月十六日石湖書事三首春事日以

袂盧橘梅子黃櫻桃桑椹紫荷依浪花顫筍破苔

色起風日收宿陰物色有新意鄰曲知我歸爭來

問何似病腦今有無加飯日能幾掀髯謝父老衰

雪已如此○種木二十年手開南野荒苒苒新歲

月依依舊林塘汙萊擅下濕苔蔚驕眾芳菱母尚

能瘦竹孫如許長憶初學圃時刀笠冒風霜今茲

百不堪裏帽人扶將龍鍾數能來猶勝兩相忘○

湖光明可鑒山色淨如沐閒心愜舊觀愁眼快竒

矚依然北窻下疑塵滿香簾訪我烏皮几拂我青

羶褥荒哉賦遠遊幸甚遂初服老紅餞餘春衆綠

自幽馥好風吹晚晴斜照入疎竹兀坐胎息勻不

覺清夢熟將至石湖道中即事水綠鷗邊漲天青

大題半峯亭何名半峯亭堯峰路之半遊客趨層
 冠蓋來少休松石畔雄視金仙居魏元高文度湖
 乎倚雲漢自此更攀緣須臾躋彼岸元高文度湖
 寫景閣臺下越來溪處處西風颺酒旗翠壁丹
 梯開短軸黃花紅葉入新詩銘金霜蟹需高價蘸
 甲春醪輒滿卮落日去程王行寄綺川故人雲木
 驢背穩短琴雙履一童隨王行翳長夏閒齋有餘
 思緬彼湖上山日夕生妍姿佳約既已屢歡遊阻
 前期芳條含晚榮碧草餘舊滋終當遂良覲賦詠
 高秋明釋宗泐姑蘇臺歌姑蘇臺上麋鹿遊吳江
 時荷花今古愁向來豪客層樓櫓醉擁吳姬
 夜歌舞齊雲易逐浮雲飛鬼火三更照寒雨釋來
 復遊石湖蘭若荷花蕩西湖水深上有蘭若當高
 峯客吟時見猿鳥下僧定不聞鐘磬音雨香秋
 林橘子熟雲落空澗棠梨陰閒來掃石坐竹裏靜
 與山人論素心○五龍之峯雲作屏雙崖削出芙蓉

蓉青何人澗裡拾瑤草有容松間尋茯苓林風不
 驚虎卧石山雨欲來龍聽經吳王臺榭今寂寞秋
 香薜荔釋妙聲遊石湖和前韻闔閭城西佳氣深
 花真冥釋妙聲遊石湖和前韻闔閭城西佳氣深
 跡日落空聞樵牧音吳王宮殿絕壁下隋朝城
 郭清湖陰登高弔古意不盡惟有沙鷗知我心辨
 珍集送芳藏主還石湖子有絕俗想久懷林壑間
 竭來暫遊嬉雙我綴清班烟霞與雲月日夕
 同登攀遐覽遠峯暮高詠孤禽還交遊始云張辰
 洽何期歸舊山去去不可留徒令悽我顏
 寓綺川寄許瀾伯水泊山棲分自甘我留君去意
 何堪幾回雨雪三槎上強半鶯花五塢南宰木空
 慙歸遠夢扁舟猶憶載餘酣從今易恒謝綺川諸
 莫惜頻相過燈火虛齋遲笑譚易恒謝綺川諸
 晚蕭蕭客棹還人情物色兩相關鄉心偏到歸時
 切酒力寧辭別處慳黃葉疎林秋水渡丹楓古寺
 夕陽山就中離思知多王汝玉石湖送別青山嗟
 少都在停雲伐木間

湖綿十里春風吹雨洗吳天天淨湖明玉鏡圓范
公昔日曾遊處水色山光帶烟樹春明畫舫載笙
歌獨有遊人自來去美人從此赴京師湖上楊真
花正亂飛歌罷湖山前度曲珮鼓歸去侍形闈

桂芳題吳王夜宴圖銀漏迢迢夜未晨管絃殺裡
綺羅春飲闌方擁吳娃醉豈料稽山正卧薪

黃姬水寄懷張幼于讀書吳山十載東林塵外踪
漁歌樵唱上方鐘詩成盡染烟霞色性定

應同土木容破戒常持社中酒捐囊曾買路王寵
旁松重溪迴壑猶嫌近更上吳山第一峯

題拜石鳴西入空林訪白雲飛花啼鳥不勝春高
山此日吾誰仰瞻拜千年石丈人題采芝鳴雲暖

泉香草木深時聞空際采芝吟夷齊精爽今猶在
化作山人一片心題傳殼鳴谷口傳殼若有神松

風吹散陌頭塵琪花瑶草迷幽澗不見當年洗耳
人題來鶴鳴華表歸來帶月明白雲流水尚含情

山中無復當年夢莫轅溪橋晚望乘閒縱步興無
洞口長留萬古春窮水色山光落照中回首

不堪南望處數家烟火幾家空○風景依稀似昔
年親朋淪落倍淒然試看當日繁華地烟草離離
是墓田

記唐崔鵬橫山頂舍利塔記式觀元始眇觀玄風夏
巢冬穴之時茹毛飲血之世一寒一暑一

陰一陽其道雖分萬彙猶塞遠乎伏羲氏之王天
下也始畫八卦造書契是文籍生焉然後歷堯舜

至周孔繇由釋像興焉及乎東被大漢尤加崇飾
按牟子云佛生天竺假形王家即其生也又云拂

衣雙樹脫三金沙即其滅也然雖示生滅之相詎
加恍惚之道物理蓋不可盡也若夫舍利者即金

人之遺骨堅剛不壞變化自然西天敬之立為塔
廟昔育王見而不信吳王脩以效虔迺遷南移年

代頗久余素不留心畧為敘事雖則玄妙難求而
實精專可驗上方寺者銀闕移來洪波架出上應

斗牛之宿旁連寶積之峯何必鼈負蓬萊蛇蟠崑
閩歌樵翁于片石卧禪子于幽林艸樹麗而攢花

杉蘿深而蔽日長松古柏綠情無塵世之機遠岫
 平湖舉目入畫屏之色其僧自相謂曰此之靈境
 爰有上方以建立亭臺而莊嚴廟塔既曰不日不
 月其功就焉斯塔也隋大業四年建矣唐會昌之
 末毀焉今咸通困敦歲天子明睿四方清平野人
 入朝賢士出世我吳郡某侯其一也鸞鳳異態龍
 虎殊姿嘯傲誰同孤高自得霜雪徒侵碧色松塵
 埃難染無瑕壁莊陵卧時國乏賢良鄭均閒日位
 齊卿相魚腸之劍利斷鯨鯢龍領之珠光浮日月
 燒金屑玉閒邀蓬島之仙釣月歌風隱笑武陵之
 客公不惟優游儒籍然深奧空門故儒則素王間
 生於釋乃金人謫下則知人情難及智則全珠每
 登山而躊躕因驚塔之荒毀正斯塔之將興也行
 是日之堯風徵當時之漢夢於是三寶起跡十方
 飯心布金抵園圖像花界今者又塵清域外鏡朗
 天衢金柯開龍背之花寶位竭銀河之浪玉潢丹
 甌坐分瑞應之符樵子漁翁眠唱太平之曲爾乃
 過公道窮生滅心達苦空信塵劫之迷途悟法門

之了性追吾家之舊迹再葺蓮花護我佛之真身
 重修寶塔然後增基表剎薙草開林剪荆棘而雲
 平列松杉而洞出時維三月節屬九春鶯吟風而
 千般草垂岩而萬種建金棺而心動羅寶蓋而霞
 橫繼徒具瞻士俗咸悅芙蓉座上飄三界之異香
 簷葡園中沛一天之法雨是時也祥雲結綵氤氳
 于行道之壇慧日澄華照耀于然燈之位公乃睹
 相生善至誠感神遂發苦心爰命匠者於是憑依
 氣象結構規模飛閣周繞迴廊接連石工呈奇巧
 之才梓匠設雕鏤之妙壯觀而龍蹲虎踞巍峩而
 仙掌蓮峯繡柱矻而星攢雕梁赭而虹現掩映而
 初蜃吐峻嶒而大鵬飛不踰一年工成七級上穿
 星漢下壓雲根豈劍閣之能齊比爐峯而尚峻鶴
 歸天兮一駐雲收霽兮半開發郢客之詩情壯吳
 宮之地勢金輪縹緲亞日月以高明雁像參差拂
 虹霓而色動偉哉塔之美也其功杳莫繼焉至若
 遊人訪景淑女尋春入幽徑而攀蘿步晴崖而拾
 翠巢鳥映葉嵐烟惹衣苔鋪石而霞斑花映峯而

綺合高瞻闡闡千家之臺榭龜文迴瞰林巒四面
 之波濤練色若乃金飈屈節玉露催寒何用悲秋
 正堪憑檻天朗而雲霞弄錦風高而松篠張琴兼
 葭之浦上漁歌蒲蓼之汀邊雁影疊浪裁古人之
 素群山闢少婦之眷開謝客之愁襟抒休公之佳
 詠松間踈磬伴高鳥飛來湖上輕烟映孤帆掠去
 兼以高天皎月深谷竒松挂錫衣而雲間卧烟霞
 而鶴瘦真宗真理金言積于情田無垢無塵玉蓮
 生于佛土且小人識比求劍材非利雖焚香雖效
 其不迴壁角常慙于未達辛苦十載每思蚊夢之
 徵搏躍九天頗有龍門之志曾勞閉戶何啻仲舒
 之三年誰念無家更甚相如之四壁惟公不揣命
 作斯文何以著公之美大播芳聲詞曰皇唐之世
 運變千秋產公之材當代風流荆叢之氣金張之
 傳但樂風月不干王侯英明少年卓犖公子傲貴
 忘榮時人鸚視洞天竺黃春風不起金谷花開玉
 堂攜妓南山積石北溟揚明周鼎人重遊石湖記吳
 波紀公之德未足為多

為步川澤為陸無一日而不即乎險也石湖在郡
 城南數里而近人事猥繁匪若窮鄉僻壤人簡出
 入宜其舟于是者鱗相集也湖上有楞伽山桃花
 丹霞諸鳴紫薇有村綺川有亭行春越城二石梁
 鎮北尾民廬佛祠長林邃谷號山水窟其俗好遊
 傾家出遊載肴酒歲必一至有至自遠者城四外
 至者隨所至取道以登雖山行必藉舟為爨室下
 而必飲于湖以返余嘗謂吳山多佳勝地石湖為
 之冠蓋自宋范成大罷相于此好遊以成其俗然
 不能皆范之人也群然而至又群醉而去雖遊而
 志不在湖特偕此而彼登其不為湖之辱耶必擇
 而不群然後可洗其陋天順壬午冬十月朔為張
 澹菴居士壽辰客有杜用嘉陳孟賢徐用理王敏
 道歲相集行飲賀禮方有詔公宴皆罷遂不果至
 越十二月癸巳拙四客偕王孟南陳孟英賀美之
 陳越莊至邑庠二先生亦至賀而不飲澹菴齒高
 薄于味也飲于其子景和議為石湖之遊舟出越
 溪橋望紅蓼渚在舟之左水痕乍縮魚梁出入可

數綺川亭惟故址在蓼之南迤西叢木翳翳可指
 顧亭在行春薇之北宋阜陵御書碑一新碑二皆
 在治平寶積二寺皆薇之有楞伽在寶積南更南
 則二塢也自盟以下皆舟之右皆不登但分題賦
 焉殆成坐遊誠不俟夫登也湖綠上衣可掬山翠
 飛下欲疑不去登者降者行歌于途倦而憇者樵
 牧者農者浣者汲者網罟穢未行者歸而迎去而
 餞者舉在日前而一歸之詩句詩成乃飲飲非以
 其勞于登降而慰藉之也借詩中景移之杯酒間
 耳湖若有神當謂此數客為謫星此遊為湖上奇
 事范後而一二見也余幸預焉故記之謂之重者
 前輩張南村嘗先為之自作記叔莊家有其稿七
 十年矣今歸之景和景和為其族曾孫欲修其故
 事而難于擇客客自擇而至足以追南村後塵否耶詩
 三百載之上余之記曾足以追南村後塵否耶詩
 錄于左前記錄之首簡雖然吾客也湖光山色又
 皆吾之客景寓于吾之此遊非吾寓為遊也詩卷

長留天地間又袁宏道遊橫山記三則橫山去城
 孰得而容之耶

面皆橫因而得名一名踞湖以其背臨太湖勢若
 箕踞也余以勘災過山下草草登臨未及領畧嗟

夫往日綠疇今為白浪方與父老咨嗟何暇葛巾
 緩帶作人間風雅事乎即此一節俗吏之苦甚矣

山周圍甚廣環以佛刹如薦福楞伽治平寶華之
 類皆在亦勝概也吳越時此山最為要地隋文帝

曾移郡邑于此今治平寺有越公井或曰吳朝大
 井或曰井在吳王郊臺下乃吳王開而素浚之皆

不可考矣姑蘓臺胥門城上有小石亭一間去門
 數武俗云姑蘓臺舊址在此予攷諸書俱不類吳

越春秋云闔閭春夏治于姑蘓之臺旦食鮓山晝
 遊蘓臺越絕書云胥門外有九曲路闔閭造以遊

姑蘇之臺洞真記云吳王夫差築姑蘇之臺三年
 乃成周旋盤曲橫亘五里山水記云姑蘓臺作五

年乃成高見三百里吳地記云闔閭十一年起臺
 于姑蘓山因山為名去國五里夫差復高而飾之

由此觀之，臺倚山枕流峻絕，人境當在踞湖胥山之間矣。上方去胥門十里而得石湖，上方踞湖上，其觀大於虎丘，豈非以太湖故耶？至於峯巒攢簇，層波疊翠，則虎丘亦自佳。徙倚孤亭，令人轉憶千頃雲耳。大約上方比諸山為高，而虎丘獨卑。高者四顧皆伏，無復波瀾；卑者遠翠稠疊，為屏為障。千山萬壑，與平原曠野相發揮，所以入目尤易。夫兩山去城皆近，而遊人趨舍若此，豈非孤標者難信，入俗者易諧哉？余嘗謂上方山勝虎丘，以他山勝虎丘，如冶女艷粧掩映，簾箔上方，如被褐道士丰神特秀，兩者孰優劣哉？亦各從所好也。乙未秋杪，曾與小修江進之登峯看月，藏鈎肆謔，令小青奴罰盞。至夜半，霜露沾衣，酒力李流芳遊石湖小記，不能勝始歸歸而東方白矣。李流芳子往游三到石湖遊，皆絕勝。已亥與方孺冒雨著屐登山巔亭，子貫酒對飲，狂歌絕叫，見者爭目稱之。去年與孟陽弱生公虞尋梅到此，徧歷治平僧舍，已登郊臺至上方絕頂，風日清美，人意頗適。九日復來登高。

以雨不果登，放舟湖中，見烟檣雨楫，雜沓而來，舉酒對之，亦足樂也。是日秋爽，伯美舍弟輩俱有勝情，由薇村至上方，復從郊臺茶磨取徑而下，路旁時有野花幽香，童子采擷盈把，落日泊舟湖心，待月出，方命酒盃，孟陽魯生繼至，方舟露坐。劇飲至夜半而還，蓋十年來無此樂矣。本朝汪琬遊姑蘇臺記：九月九日，予將為姑蘇臺之遊，會廣福庵僧風遇偕沈生友篋，至自許墅，遂命肩輿與俱。西過鍊虛村，訪女真院，院中女冠有辟穀者，誘致大家諸婦女，從學甚眾。予稍愒，即并輿行灌莽中，將至臺，迷失道，入一小菴，命菴僧道而前，臺趾頗平行，有方石中穿，俗謂吳王用以竿旌者，其旁石壁直下數十尺，矮松壽藤相盤絡，類一二百年物，壁上流泉數處，匯為池，其泉清泓可鑑，池畔皆石坡，土人呼為小赤壁。大率泉石擬虎邱而幽僻，勝之予有田二畝，在山麓，乃坐池上，命佃人煮茗，且飲，所攜酒，侑以果實，復稍稍進飯，飯罷去遊。鳳凰池無他異，遂登鳳巢，所過松櫟皆胃蛛網微。

有樵徑似久無行人者既登則茅廬三間僅蔽風
雨僧號閒菴者居之自云守此十三年矣為予摘
籬豆作湯且引觀獅子巖獅乳泉蓋結廬時畚土
出之其名則僧所自命也予立巖間望穹窿鄧尉
玄墓諸山皆了了天將暮乞僧所藝菊花而別是
日張子六子劉丈序寰與予會于臺下而不至女
真院及鳳巢云予得詩八首
毛先舒題二弃艸堂吳
首友箴得五首六子四首
後作二弃草堂蓋取古君平既弃世世亦弃君平
語也草堂面好山峯螺岫黛來映几席中有亭有
臺有石有池有竹百箇柳桃桂梅數十株荷一池
他俱稱是主人坐嘯其中蓋嗒乎其忘身與世取
二弃以名斯堂人咸謂之宜故多作詩歌以美之
昔季札見鄭子產如舊相識予與星期交二十餘
年今為題數語以志遐慕則更似未嘗謀面而托
此以寄跋予之思者何蓋別有其起敬者新爾

歲在著雍執徐清和月告竣

及門

朱宏昌用成 助梓

朱琳崑源 參訂

姑蘇陳聖如刊刻

西



